



南嶽廟全景

何鍵題
遊 南 嶽 道

中國旅行社

旅行叢書之三

寶豐保險有限公司

長沙分公司啓事

火

華商

水

寶豐保險有限公司

總公司——上海 上海銀行大廈

分公司——南京 廣州 長沙 漢口 天津
濟南 青島

經理處——全國各大商埠

汽車

意外

本公司在上海經保水火意外汽車各險已歷數年信用卓著賠款迅速早已遐邇聞名茲為推廣業務便利湘省保戶起見特設分公司各界欲謀財產之保障均請駕臨長沙分公司就近接洽保險至於保價尤為克己如蒙賜顧曷勝歡迎恐未週知特此聲明

地址——長沙上河街

凡例

- 一、南嶽山勢聳拔。巨石突兀。靈泉瀑布。吐露飛雲。春夏之間。奇花滿山。異鳥飛鳴。秋季香市之盛。甲於全國。冬季雪景。清雅幽逸。四時遊覽。各有佳趣。在昔關河阻隔。遊歷困難。今則汽路交通。中外人士往來不絕。爰輯此編。用作南針。
- 二、本編多取材於南嶽志。其屬於傳聞無從稽考。或曾見岳志。近已無跡可尋者。俱不錄。
- 三、湖南政府近設局管理南嶽。關於道路森林圖書名勝。均已次第建設。五年之後。更有可觀。以後當按其建設成績。增訂再版。
- 四、本編風景片尚不完善。如承贈寄南嶽特異風景。當以六倍所製之風景片相報。
- 五、本編初次倉猝出版。不無疏漏錯誤之處。歡迎閱者隨時來函匡正。

南嶽導游目次

題籤	何 鍵(封面)
凡例		一
圖景		一
沿革		三一
形勢		三一
名勝古蹟		三二
南嶽市		三二
南嶽廟及南嶽廟附近		三三
自接龍橋經牛山亭至祝融峯		三六
自上封市經普光殿至磨鏡台		三九
自牛山亭至磨鏡台		四二
自磨鏡台至黃庭觀		四二
黃庭觀附近		四四
觀河林一帶		四四
水簾洞附近		四五
方廣寺附近		四六
响鑼峯附近		四七
峯巒紀略(附七十二峯名稱)		四八
旅行須知		五二
氣候		五二
計日游程		五三
管理轎夫挑夫暫行規則		五六

(1)


11643A

輔夫挑夫工價表	五九
食宿處所及食宿一覽表	六〇
南嶽市至祝融峯里程表	六三
南嶽市至方廣寺里程表	六四
南嶽站汽車開到時刻表	六五
下衝區間客車開到時刻表	六五
衡下區間客車開到時刻表	六七
物產	六八
南嶽廟祀典及祀費	七〇
香市	七〇
商業	七〇
購地租地建築屋宇辦法	七一
治安	七一

機關團體表	七一
教會	七二
故事	七二
名人題詠	八三
游記	一一七
湖南省公路計劃圖	
湖南公路局各段通票客車時刻表	
湖南公路局各段客票價目表	
湖南公路局各段營業里程表	



南嶽廟全景(規模闊麗周圍二百二十九丈廟前爲峭岫)




正殿

(1)






(上石鳳山生天坐碑前門廳嘉在)亭碑御廟嶽南



南嶽廟奎星閣(一名盤龍亭)



南嶽廟櫺星門內戲臺



南嶽廟御書樓



南嶽廟東川路



南岳廟正殿左邊寶庫




南嶽廟西川路




南岳廟西邊行人路




南岳廟西川門



門川東廟岳南



(偉雄築世翠蒼木古街東市岳南在)景內寺聖祝岳南



南岳廟西川門




南岳圖書館在'南岳北街口右有碑樹為宋代植物




集賢峯後景 在南岳廟後其下有南岳圖書館




接龍橋(在雨岳廟後上爲造參亭)




(布瀑洞廉水於大壁響瀉下聞山自水潭後廟岳在)布瀑潭絲絡



百步雲梯(在岳廟後爲上山老路)




（修新年一十二國民餘丈三高下殿子遠在里五廟岳南距）橋版玉



半 山 亭



鄴侯書院(在中山亭之上爲唐李泌讀書處)



(底足在俱峯諸南山朝來折曲江湖視俯)門天南




1

(字四師大然天有上石形獅似酷立轟石巨)岩子獅




觀音岩(岩左爲高台寺上有羅念庵手植之松)




上封寺 (在祝融峯八遊山者恆在寺度宿空氣
高寒風雨時作睡處其晚間必御火衣)




臺日觀後寺封上



望日臺(在封寺後融峯登高眺極目海門)



祝融老殿(一名天尺處在祝融峯絕頂石壁鐵式)



鐵佛寺(寺內有巨大鐵佛在湘南寺下)



瓦 鐵 峯 融 祝



藏經殿風景之二



藏經殿前古樹




(墓祖七讓懷唐係)塔祖七後台鏡磨




觀音橋(民國二十一年新修)




(初來折曲江湘曉環面四山雲巒師祖思慈爲後寺台南在)三生塔




南臺寺(在南山北八里石頂通靜道場)



福嚴寺(在那條峯下係唐懷讓七祖道場現爲法門叢林)




黃庭觀(在南岳廟西二里許爲魏元君修道處觀右側石隙中多古樹甚雅緻)



景風近附峯鉢岳南


(此於鉢擲召之主陳赴尙和大思後廟岳南在)景風近附峯鉢岳南



白龍橋(在黃鹿觀後半里許白龍潭上)



南岳白龍潭瀑布




聖經學校(在黃庭後距岳三市里許越樂高屬外遊多人駐足觀)




聖經學校望吐霧峯夜景



水簾洞(在紫雲峯下距南岳廟八里有瀑布石刻甚多)



(處煉修人眞丰三號爲里三十廟岳南距東學蓋紫在)觀古仙九



黑龍潭瀑布(即黑沙潭在蓮花峯右潭上瀑布六月生寒)



(此經路舊寺廣方至市岳南側寺昌福里餘十廟岳南在 潭王龍)

南嶽導游

一 沿革

南岳一名衡岳。又稱南岳衡山。爲中國五岳之一。在湖南衡山縣境。縣以山名也。在昔虞舜南巡。朝諸侯于此。舉望祭之禮。禹敷水土。隨山刊木。奠高山大川。荆及衡陽。惟荊州。岷山之陽。至於衡山。得金簡玉牒。治水之法。築清冷宮（今祝聖寺基）以祀舜。周穆王周行天下。亦有西台之蹟。漢武以衡山道遠。而祭於衡山之副（霍山）。魏晉六朝。禋祀復古。唐及五代。宋元明清。每值國慶。必遣使祭告。典禮隆厚。尤以南宋爲最。蓋當時四嶽皆淪于金。惟南嶽僅存也。環山數百里。寺觀林立。代有異人高僧。而隱逸之士。及仕宦之遷謫者。登臨慨嘆。發爲詠歌。亦於斯爲盛。宋明大儒。且相繼講學。其中人文薈萃。風振一時。清代以還。寢以衰歇。書院既廢。琳宮梵宇。亦同感凋零。民國二十一年秋。湘省政府撥帑改造。設管理局。圖書館。工程處。積極建設。茲山面目煥然一新。

二 形勢

我國南部大山。以衡岳爲宗。南幹之山。發脈於崑崙。經青海雲南貴州。入湖南通道縣。至城步。



長平岩。遂分支爲嶽龍。另支則入粵桂湘贛爲五嶽。嶽龍由城步北行。逶迤七百里。特起爲衡岳。其山東南盡衡山縣境。西入衡陽縣境。北入湘潭縣境。又北入長沙縣境。西北接湘鄉縣境。東南二面以湘水爲界。西以蒸水爲界。北以興樂江爲界。蟠亘凡八百里。爲峯七十有二。其最大者爲芙蓉。紫蓋。赤帝。石廩。天柱。祝融。諸峯。而祝融尤高。舊傳九千七百三十丈。近年依氣壓表測量。測得高出南岳市一千一百八十米。達至于南岳市地勢由漸而高。究高出海面若干。尚無精確測量。由長沙溯流而上。仰矚諸峯。狀若陣雲。九向九背。所謂帆隨湘轉。望衡九面。誠絕好天然圖畫。山中多靈禽瑤草。有八礪九潭。二十五池。三十八泉。二十五溪。十洞。十五崖。諸勝爲向來遊者所艷稱。

三 名勝古蹟

(一) 南嶽市 在岳神廟前。距衡山縣治三十里。距衡陽百里。距長沙二百七十里。唐宋以來。遊山及燒香者多駐足於此。漸以成市。近因長衡汽車。可直達該市。行旅稱便。人煙益以稠密。有壽澗。絡絲潭。西嶺。諸水環匯之。自壽澗橋至天下南岳坊。左止青龍橋。右抵將軍橋。爲御街。自天下南岳坊。直至水府亭。爲南街。東至祝聖寺。爲東街。西至中鎮橋。爲西街。自將軍橋北行。至南岳圖書館（舊集賢書院）爲北街。東西兩街。各有一水池。東街有明桂王書司馬橋三字石刻。御街右壁。嵌有明景王書碑。壽澗橋側。有鎮岳石。惟東便門之金魚池。南街之養魚池。久廢。僅存遺跡。全市街道。原極狹窄。經管理局規定。寬度已

拆讓整齊。御南兩街寬二丈四尺。東西北三街。及櫺星門左右寬二丈。
(二)南嶽廟及南嶽市附近

1 南嶽廟 在南嶽市後枕朱明峯。坐北向南。前有壽澗水。左右有絡絲潭水環繞。其外則湘河五曲來朝。俗呼五龍捧聖。規制宏敞。前後深一百二十五丈。左右橫廣分兩截。前截四十六丈三尺。後截五十七丈八尺。自御街天下南岳坊北行。過壽澗橋。門內餘坪約二十畝。爲櫺星門。新闢花園。左右爲東西便門。其兩傍爲左右碑亭。有明成化碑萬曆碑。鐘鼓亭。有元朝大鐘重九千斤。上刻李琳鐘銘凡三十三字。櫺星門後爲正南門。左右爲東西川門。正南門後爲碑亭。碑亭後爲嘉應門。左右爲東西角門。嘉應門後爲御書樓。再北行爲殿前大坪。左右寶庫各一。每值秋季。香火高接雲霄。晝夜不熄。右寶庫傍有松樹。枝幹蒼老。能吸收火氣。俗稱火松。左右寶庫傍有鐵鼎爐。一係明桂王造。一係清督撫趙申喬監造。由大坪北行爲大石台。台前中央有白石階十六級。中嵌石龍台。左角有楚王馬殷鐵盆。一欸爲楚王捨南岳司天廟永充供養。十三字。台北卽南岳大殿。重簷七間。高七丈二尺。內外七十二石柱。準七十二峯。全廟建築式樣。與皇殿同。殿外石欄杆。所鑄樹木花鳥。並皆雅妙。殿中供奉岳神塑像。高大莊嚴。威靈顯赫。常年來岳進香者。約二十餘萬人。大殿兩側各有長廊五十三間。大殿後爲寢宮。宮後爲後北門。左爲注生宮。右爲轄神祠。全廟周圍紅牆。牆左右有角樓四座。樓垣以內左包上銓德觀。新銓德觀。老三元宮。新三元宮。壽寧宮。雷祖殿。萬壽宮。宮內有

玉虛閣。仁壽閣。左包金寶寺。龍塘寺。老崇寧寺。老南台寺。雙峯寺。雲峯寺。新崇寧寺。寺內有萬福林。松竹林。祇樹園。出後北門。過接龍橋。至祝融峯。

2 忠靖王祠 在岳廟側。香火甚盛。岳廟四面各有侍郎堂。西門侍郎爲忠靖王張抃。唐安史之亂。與南霽雲。乞師賀蘭。進明不許。斷指爲示。曰。吾當爲岳瀆厲鬼。以報進明。及死。家人夢曰。吾請於帝。命輔南岳爲司徒。宋政和二年。封靈佑侯。賜廟額。旋加封佑順顯靈公。建炎初。封忠靖王。後又封忠靖威顯靈佑英濟王。

3 祝聖寺 在南岳市東街。夏禹時。清冷宮故址也。唐初名彌陀台。後錫名般舟道場。尋改爲勝業寺。清康熙間。改建。始用今名。古木蒼翠。築建雄偉。食宿便利。可住遊客。寺內有五百羅漢石刻。有悅亭。禹柏菴。御書閣。開雲堂等古蹟。寺後唵佛堂。毘茶塔。

4 大善寺 在南岳市北街。有藏經一部。玉佛一尊。明桂王妃銅鐘一口。於光緒二十六年。由土內掘出。現懸地藏殿。又有宋代石水缸一個。在古井邊。係寶慶丁酉年造。缸長一丈。廣三尺餘。居民常夜見光出缸上。傳爲神物。

5 衡岳寺 在南岳廟西北五里。梁天監中建。本名善果寺。陳改爲大明寺。隋大業中。復改爲衡岳寺。唐懶殘禪師嘗住此。惠日繼之。爲十八高僧之一。寺中原有唐大德璩公碑。係皇甫湜撰。今僅存矮屋三間。

6 長壽庵 距南岳市二里。在胡文定書院後。有毘盧遮那銅佛一尊。重萬斤。身現千佛蓮花。有古鐘一口。聲音宏亮。庵舍頗寂靜。

7 文定書院 在長壽庵前。紫雲峯下。宋胡文定公安國提學湖南。以忤蔡京除名。隱此築室紫雲峯下。爲碧泉書堂。著春秋傳十五年不出。嘗藉坐一石間。宛轉屬吟。悠然自得。其子致堂五峯並爲當代大儒。隱居衡嶽五峯。更于碧泉堂畔創樓著書。二十餘年。張栻（南軒先生）師事之久。之室毀。明弘治間。因其舊址。建祀文定及致堂五峯。自時厥後。屢經修葺。遂爲士子肄業之所。院側有春秋樓。今圯。

8 森林局苗圃 在文定書院前。佔地五十餘畝。各種樹苗甚多。

9 紫雲書院 卽甘泉精舍。在紫雲峯下。長壽庵側。昔湛若水年七十有八。自羅浮攜其門下士遊衡岳。遂建室於紫雲之麓。與衡士講學其中。數月乃去。後十三年。年九十有一。復來遊衡。留數日。皓首童顏。見者驚爲神仙中人。院右有大石如人坐。題曰甘泉坐石。旁有石曰端默石。洞曰甘泉洞。其後奧曰甘泉上洞。皆刻識岩石。

10 白沙書院 在紫雲書院上。明嘉靖中。湛甘泉若水建於院內。爲祠祀其師陳白沙先生。白沙名憲章。新會人。爲明代大儒。夢遊衡山。與南極數老人對酌。賦詩甚歡。嘗作憶衡山詩云。身輕何處謝炊煙。石洞松脂不計年。尺牘已通南岳主。一凡還有白龍仙。又遺湛甘泉云。近遣人往衡山問彼田里風俗。尋胡致堂住處。古人託居。必有所見。倘今日之圖可逢老脚一登祝融峯。不復下矣。是將以託吾畢生。非事遊觀也。湛于其卒後。卒成其志云。

11 霽雪樓 在白沙書院前。宋朱晦庵張南軒借林中遊岳。夜宿草衣岩。風雪大作。次

日聯騎渡江。忽霽。後人於此建霽雪樓以祀之。今圮。

12 南岳圖書館 原爲集賢書院。在南岳市北街口集賢峯下。爲李泌張九齡舊遊地。南岳國學院亦擬設此處。

13 大錯墓 在圖書館前。明御史錢邦芑。于鼎革後。入衡山爲僧。法號大錯。沒葬於此。

14 會靈精舍 原在兜率寺旁。明進士康保泰改建於南岳市右。

(三) 自接龍橋經半山亭至祝融峯

1 接龍橋 在南岳廟後。明時建築。民國二十一年加高數尺。與山上馬路脚接。橋畔有遙參亭。亭內原有明商輅修南岳廟碑。由亭左東北行沿馬路直抵祝融峯路甚平坦。

2 梵仙亭 在南岳市北三里。絡絲潭側。原有梵仙亭三字。陳君盛芳新建亭於此。暮春水大流急。聲如雷鳴。平時水聲響激亦可聽。再上爲趙澗石上篆刻趙澗二字。

3 玉版橋 距南岳廟五里。高于岳市二百二十米達。在送子殿下。高三丈餘。民國二十一年新修。下爲舊玉版橋。報信亭。亭內有大地一亭四字。僧破門所書。亭前三水合流。

巨石嵯峨。石刻積善之家。必有餘慶八字。字大尺餘。

4 半山亭 距南岳市十里。舊名省心亭。在鄴侯書院下。高于岳市四百六十米達。由南岳市至祝融峯。此爲一半。玄都觀在焉。古松蒼翠。樛枝盤舒。林壑幽秀。觀宇清淨。可住

遊客。

5 鄴侯書院 距南岳廟十二里。半山亭後二里。亦稱明道山房。爲李泌故宅。高于岳市

六百米達。有端居室三字石刻。民國二十一年重脩石室。夏季可避暑。院後東北行有支路。通觀河林般若寺。唐李泌字長源。肅宗卽位卽授以官。固辭留置宮中。嘗衣白衣。同輿出入。事無大小。悉與之謀。李輔國嫉之。退隱衡山。賜道士服。勅郡縣爲治室。廬後相德宗封鄴侯。世人豔傳其在嶽遇嫺殘撥火分辛故事。所居室藏書甚富。韓昌黎詩。鄴侯多藏書。架插三萬軸。可想見其當日讀書之樂矣。

6 鐵佛寺 距南岳廟十三里許。在湖南寺下。內有巨大鐵佛。故名。寺側有最大玉蘭數株。春季開花香聞數里。

7 湖南寺 在南天門下。唐智通禪師天然禪師嘗住此。高于岳市八百一十米達。

8 南天門 距南岳廟十八里。在美蓉峯右。高于岳市八百六十米達。寺以鐵瓦石磚爲之。可避風雨。地勢高聳。由此分前後山之界。其陽曰前山。陰曰後山。自南岳廟迤邐而上。仰矚極高之處。至南天門而止。均不能見祝融之面。登南天門後。則祝融突現。眼簾矣。東望紫蓋諸峯。西望天柱諸峯。如環拱輻輳。下方諸山若丘若垤。俯視湘江。微白如帶。寺側有卓爾岩三字。其又南天門下。舊有巨石曰飛來船。順治辛卯春一夕大雷雨。忽失所在。今其遺蹟猶可存。

9 黃帝岩 在南天門左側半里許。岩頂有巨石刻宋徽宗書壽岳二字。大五丈餘。明顯。璘題山中天上四字。岩下有二小岩。巨石嵯峨。下視觀河林。甚陡峻。

10 嫺殘岩 在煙霞峯下。距南天門三里。火廠二里。由南天門石路西北行。羊腸小道可

達。岩側有凌霄壇。有宋人石刻乾乾坤地名山大川。上下四維。有感明神。十六字。

11 淨明岩 在爛殘岩下半里許。岩前巨石聳出。下臨深澗。岩中清泉流出。

12 獅子岩 距南天門一里許。高于岳市九百二十米。達。巨石屹立。酷肖獅形。岩壁鑄四

大字。曰天然太獅。岩下有洞。爲修真之所。洞外諸峯環繞。洞旁有泉。名古獅子泉。蔣公介石建築石亭於其處。由岩左小路東北行十里至廣濟寺。

13 上封寺 距南岳廟二十里。在祝融峯下。高于岳市一千零二十米。達。寺後古樹拳曲

下垂。饒有奇趣。寺前有鐵佛像四尊。明嘉靖間鑄。題詠甚多。寺後有老女槐。自祝融峯東引虎跑泉水。至寺僧廚。長數百丈。皆鑿石爲之。相傳有唐代貞女謁岳登峯。至上封

寺。見僧廚乏水。捐資爲之。寺側有敲冰破凍千古奇遊八字。石刻筆法遒勁。無書者姓名。距寺半里許。巨石壁立。面平如削。有白雲關三字。又刻四字曰衡岳雲開。字大徑尺。

寺中有宋穹林閣。係宋胡寅題。寺係曾國荃等募修。規模頗巨。惜年久殘蝕。房舍昏暗。近得住持僧寶生。募捐重修。禪堂客房。悉做新式。器具飲食。亦甚清潔。遊客稱便。

14 高台寺 在上封寺下。傍有觀音岩。明楚石和尚嘗住此。寺後有松樹數株。氣蒼貌古。爲明羅念菴先生手植。後人號曰念菴松。且爲立碑。今碑旁一株已稿。

15 廣濟寺 距上封寺十里。在昆盧洞。居祝融紫蓋兩峯之間。羅青錯黛。寬深二十餘里。奇花異草甚多。流水清冽。夏不見日。爲避暑最佳處。舊名禹王城。有禹王城三字石碑。

相傳禹王治水會駐於此。

16 祝融峯頂 土人呼爲老聖殿。自南岳市至此約四十里。高于岳市一千零八米。達

爲岳山之最高者。羣峯羅列如拱揖狀。九嶷洞庭瞭然在望。昔鐵脚道人採藥衡山登此。仰天大叫曰：雲海盪吾心胸矣。唐宋以來爲詩文紀遊者。名作如林。大抵極言觀雲望日之勝。自米張二子冒雪陟此。乃盛稱雪景。清潘來所爲遊記及詩尤歎爲奇絕。

17 祝融殿 距上封寺里許。在祝融峯巨石上。石墻鐵瓦。高插雲中。其地原僅一小石龕。明萬歷間始建爲祠。清乾隆十六年奉旨建殿。光緒七年重修。現復將殿宇全部改造。分上下兩層。四壁鑿石爲牖。嵌厚玻璃。周圍繞以欄杆。四方上下一覽無餘。

18 望日台 望日台在上封寺後。祝融峯中。雞鳴夜起。登台東望。遙見海門。雲水皆赤。條忽異形。日輪徘徊盪漾。久乃奮湧升騰。精光如火。紅艷奪目。平地始曉。台旁有石屋石。刻題詞多模糊不可辨。

19 望月台 在祝融峯西各處。夜月已沉。此地獨清輝自若。

20 會仙橋 又名試心橋。一呼試心石。在羅漢洞下。飛巖絕壁。下臨萬仞。有仄徑凌空。欲墮。胆怯者多不敢步。過此卽爲青玉壇。相傳昔有神仙會此故名。

(四) 自上封寺經普光殿至磨鏡台

自上封寺經普光殿至磨鏡台。須折回南天門。循舊石路。經煙霞峯火廠。西南行由新修土路至普光殿。再西行至龍池。仍折回普光殿。經老塔。北天柱峯。擲鉢峯。羅漢洞。東北行至磨鏡台。沿途風景甚佳。原來無路通行。現已新修大道。來往便利矣。

1 普光殿 卽藏經殿。高出南岳市八百六十米達。爲六朝慧思祖師道場。智者大師亦嘗住此。地勢雄偉。諸峯環繞。康熙乾隆間香火尙盛。至光緒初始堙廢。邇來路徑荒蕪。人跡罕到。本年（二十二年）六月南岳管理局因清查管理區域。巡視其處。見深林密箐。景物清幽。乃導泉開路以利遊人。隨於殿基右側掘獲康熙間普崑和尚所撰碑文。始知此地原爲小般若禪林。係慧思祖師開建。後枕赤帝峯。祥光峯在其北。與之緊連。陳後主妃避亂隱此。皈依思祖法號慈惠。還朝後捐田租百石。迨後明太祖頒大藏經一部。度寺中。故又名藏經殿。萬歷間燬于火。李侍郎奏請修復。中間更名祥光寺。近有佛教徒念此地原爲思祖道場。因發心重建。改名爲普光殿。石柱矗立。碧瓦丹甍。規模闊大。四圍佳木葱蘢。綠葉濃陰。晝不見日。夜無蚊蚋。其樹多數百年前物。奇花異草。四時皆有。植物學家亦不能悉知其名。中有大樹百餘株。枝幹蟠曲。顏色蒼老。視若無皮。夏曆四月開花。狀如喇叭。叢列成球。香氣濃馥。土人呼爲洛陽球。殿後有大玉蘭花樹一株。高二丈餘。徑尺許。上大小枝葉扶疏。相傳已四百餘歲。春初開百花。香聞里許。夏秋之交。古藤著花。競奇鬥豔。下垂如纓絡。實紫紫若串球。圓者橢者。長者方者。楞角者。其形不一。食之有異味。動物多特種。爲他地所無。而到處蟬鳴蝶飛。有自然歌舞之妙。不啻南嶽之天然博物院。惟動植各物。移之別處。則多不活。殿之附近勝景甚多。分述之如左。

（甲）靈田 在殿前。岳志載祥光峯下靈田。夜分飛光如燭。卽此。

(乙)無礙林 在殿右坡下。有古樹三株。同根生長。枝葉各異。溪流經其旁。瀟灑幽靜。

(丙)梳粧臺 在靈田前。爲六朝陳後主妃古蹟。中有古樹古藤。奇花異草。

(丁)釣魚臺 在殿西一里許。相傳陳後主妃避亂隱此。迨亂平。朝廷遣使迎妃。妃不願歸。來使督促不已。乃誓曰。如髮能即時生出。山間釣得活魚。則可還宮。誓後。髮果長出。不兼旬。能挽髻。且垂釣得魚。乃偕使入朝。

(戊)文殊嶺 在殿西二里許。爲豆兒佛坐禪處。坐石猶存。豆兒佛名法祥。字瑞光。唵縣周氏子。明弘治時人。向人募豆四十八擔。於文殊嶺。專精念佛。以豆爲珠。盡其數。人因稱爲豆兒佛。

(己)祥光亭 在普光殿後。南瞰衡陽諸峯。西望湘鄉邵陽諸峯。如在目前。東眺湘江。曲折環繞。晨起望日。觀雲光彩炫目。

2 龍池 在側刀峯右。距南天門西六里。火廠四里許。地闊二丈餘。長三丈餘。深不測。每屆驚蟄節前後數日。蝦蟇來聚。大者重二、三斤。周圍附近。皆是在此生子。見人來亦不畏。聚數日則皆去。不知所之。池後爲水月寺。有屋七八間。夏季可避暑。昔天然禪師住此。開派四十八房。寺側有天然禪師塔。寺前有古檜樹一株。白菓樹一株。距離丈餘。係同根生。

3 老塔坵 在祥光峯背後。地勢平行。流泉甚多。空氣新鮮。避暑最佳。中國旅行社。已於此處租定地段。着手建築精美之旅舍。湖南肺病醫院。亦準備建築大規模之療養院。

趙君祉威發起於醫院下游。築一放生池。將來此間築室避暑者。必逐年增加。

4 天柱峯 在老塔北下。於南岳市望之形若兩角並列。高聳雲霄。道家謂天下名山三

百六十八柱。此爲第六柱。民國二十二年癸酉秋。何鍵經此。爲題南天柱石四字。

5 擲鉢峯 在天柱峯下。福嚴寺後側一里許。全峯皆石。突出地面。形若桂林之獨秀峯。

峯上原有古松（彭玉麟有擲鉢峯頂看臥松詩）附近有虎跑卓錫二泉。相傳慧思

和尚擲鉢於此。赴陳主之召故名。峯前有講經台。台石方平。上鐫天子萬年天上山中

數字。筆法奇古。

6 羅漢洞 在擲鉢峯上。舊有石洞。甚大。相傳五百羅漢在此修行。常往福嚴寺慧思和

尚處聽法。後人因路徑險峻。填塞洞口。今過其下。望見聳拔之巨石。卽原來洞口也。

(五) 自半山亭至磨鏡台

半山亭至磨鏡台。民國二十一年新修土路。寬二丈。有石橋三。曰龍樹橋。曰麻姑橋。曰觀

音橋。觀音橋側有觀音庵。庵內有張正甫撰唐觀音大師碑。爲僧懷讓作。再西行卽至磨

鏡台。

(六) 自磨鏡台至黃庭觀

1 磨鏡台 距南岳廟十四里。半山亭四里。卽馬祖庵。古稱傳法院。爲南岳僧衆公共祖

堂。高于岳市五百二十米。達昔懷讓七祖弟子道一於此坐禪。讓問曰。坐禪做甚麼。道

一曰。想成佛。讓乃取一磚於石上磨之。道曰。磨鏡做甚麼。讓曰。磨作鏡。道曰。磨磚何能作

鏡。讓曰。磨磚既不能作鏡。坐禪何能成佛。道一從此悟道。後人名此爲磨鏡台。台左側石壁上刻道源二字。大丈許。係明以前所刻。

2 七祖塔 俗稱丹鳳啣書。係懷讓祖師墓。在磨鏡台後。有唐碑最勝輪塔四篆字。字高八寸許。署唐敕賜大慧禪師傳係唐裴休書。

3 福嚴寺 在擲鉢峯下。距半山亭五里。高于岳市四百八十米達。係懷讓七祖道場。現爲法門叢林。樹木甚多。寺前有平頂古松。右側有銀杏樹。大數圍。係二千年以前古樹。相傳在六朝時。受戒於慧思祖師。戒牒懸諸樹上。人始知之。有玉佛一尊。八十八祖繪像一部。岳神銅像在福嚴寺六朝以前所鑄。甚莊嚴。

4 拜經台 一名極高明台。在福嚴寺左側。右壁上有極高明三字。

5 金雞林 在福嚴寺下。樹木蔥蔚。風景清幽。爲避暑最佳處。

6 三生塔 在南台寺後。爲慧思和尚墓地。雲山環繞。氣象奇偉。遠望湘江。曲折來朝。眼界開豁。心胸爽朗。

7 南台寺 在南岳廟西北八里。高于岳市四百七十米達。係石頭遷祖師道場。陳海印禪師唐無際大師皆嘗住此。有王壬秋書日本送藏經緣起碑。又有貝葉佛像三十二張。寺內整潔。風景秀麗。可住遊客。

8 天生磴 一名自生磴。一名進道坡。(原名退道坡。明張元朴改)一名天雲閣。傾斜至急。共二百零六磴。旁有金牛跡。東南行三里。右至聖經學校。左至南岳市。

(七) 黃庭觀附近

1 黃庭觀 在集賢峯下。距南岳市二里許。爲魏夫人修道處。峯頂巨石中有足蹟。爲魏夫人遺蹤。觀在小峯巔下。臨絕壑。泉聲瀟瀟。出松竹間。境絕幽勝。觀前巨石上圓闕下尖削。爲夫人禮斗壇。一名飛仙石。石上刻飛仙二大字。觀後樹木繁茂。風景甚佳。

魏夫人亦稱紫虛元君。名華存。字賢安。任城人。晉司徒魏舒女。幼好道術。長適南陽劉幼彥。後幼彥爲修武令。隨之縣舍齋于別寢。清修百日。忽有羣仙來降。授以太上寶文。及黃庭內景經。未幾幼彥沒。值世亂。攜二子樸。退渡江。及子顯仕。樸爲廬亮司馬。安成太守。退爲陶侃從事。遂至衡岳。棲身紫虛閣。齋修誦經積十六年。顏如少女。年八十三。託劍化形。白日飛昇。位爲南岳夫人。厥後屢顯靈迹。唐顏真卿撰仙壇碑。銘紀其事甚詳。所傳黃庭經。在道經中文字特雅。有道士以羣鵝乞王羲之手書一通。後人奉爲瓊寶。現黃庭觀并刻有此經云。

2 白龍潭 在黃庭觀後半里許。清溪一泓。從大石上流出。石上刻白龍潭三字。署雷溪孫瑛書。筆法遒勁。潭側山勢聳拔。樹木陰翳。

3 聖經學校 在黃庭觀後。距岳市三里許。建築壯麗。南岳開闢之始。他處尙未建築。中外遊人多駐足該校。

(八) 觀河林一帶 (由鄴侯書院後東北行卽是)

1 般若寺 距南岳廟十四里許。在鄴侯書院後東北。爲唐懷讓大師成道處。松杉綠遍。

- 苔蘚紅繞。翠竹清流。饒有幽趣。其寺爲長壽庵。所有。
- 2 常在庵 在般若寺之左。屋宇五六間。四周有古樹。現住尼僧數人。寺後古樹甚多。
- 3 觀河林 在常在庵之左。係破門和尙修道處。現住尼僧數人。寺後古樹甚多。
- 以上三處流水環繞。四季不斷。樹竹甚多。可以避暑。

(九) 水簾洞附近

- 1 水簾洞 在紫蓋峯下。距南岳廟東北八里。有溪曲折流亂石間。其上游卽水簾也。實爲瀑布。自高而下。匯入一石池。池滿而溢。奔放傾瀉。輕明若簾。其聲如雷。有石鑄冲退。醉石四字。係宋處士張管題。管博通易理。與邵康節友善。神宗賜爵不受。賜號冲退居士。後有人題二絕云。水簾洞前一片石。留與仙人醉後眠。珍重何人書四字。風雲重護鬼神憐。斯人胸次闊如海。石上留書便出塵。只恐清風明月夜。此間真有醉仙人。有鎮岳飛天法輪。(宋張孝祥題)南岳朱陵洞天。(宋沈紳題)天下第一泉。(明計宗道題)夏雪晴雷醉眠觀瀑。(清李元度題)有本者。(陳符題)天下名山。(明史學遷題)南岳第一泉。(字高二尺有奇)朱陵瀑布。(字廣尺餘)不舍晝夜。高山流水。何去何從。(無款)等石刻。其他甚多。
- 2 雪浪亭 在水簾洞側。先是洞路崎嶇。遊人不易至。至亦無駐足處。晴雨均多不便。光緒七年。甃石路百四十五丈。並建亭於其上。額曰雪浪。遊者便之。李元度有雪浪亭記。
- 3 彌陀寺 在紫蓋峯下水簾洞側。昔爲南岳四大叢林之一。今僅存數楹。原有陳纘碑。

陰題名。及唐柳宗元撰書彌陀和尚石碑。今均不見。

4 九仙觀 卽九仙飛昇壇。在紫蓋峯東。距南岳廟十三里。梁天監中建。張三豐修煉處。觀後有石刻九仙飛昇之壇六字。爲宋時遺迹。又有古羅漢松一株。觀門首道旁石上。刻有篆書待我來三字。大尺許。到此皆仙四字。高二尺。又仙關及雲關四大字。

(十) 方廣寺附近

1 方廣寺 在蓮花峯下。梁天監中建。宋徽宗書天下名山四字。地極幽雅。八峯環列。狀若蓮花。王船山先生有蓮峯志。昔人言遊衡岳。不至祝融。不足以知其高。不至方廣。不足以知其深。信然。距寺里許。小澗中有石鐫洗衲二字。爲梁惠海大師洗衲處。其右有小峯。爲惠海大師補衲台。又有嘯台。石刻爲巡撫岳和聲所書。其後譚元春於台上鐫懸轡二字。歷代名人題詠甚多。寺前有飛來鐘。距寺十里許。道旁石壁刻湧几二字。大盈尺。筆法圓勁。署款崇禎甲申王夫之題。寺外有古木數株。人莫能名。內有一木。身生贅疣。形如伏獅。又有白菓樹。高五六丈。寺後有娑羅樹。懸岩上大不盈抱。相傳爲數百年物。

明末張獻忠陷衡陽。王船山先生與兄介之走匿蓮花峯下。獻忠欲用爲吏。大索不得。執其父武夷先生以脅之。乃榜面刺腕。僞爲重傷者。昇往易父。旣皆獲免。無何明鼎革。一再赴粵。與桂王謀恢復。授行人職。久之知事不可爲。乃返衡陽。築土室于石船山。講學著書以終。當其避寇居此時。嘗與管嗣裘夏汝弼助巡撫堵允錫重修方廣寺。尋撰

蓮花峯志五卷。又有岳餘集。凡癸未匿岳及甲申重遊詩爲一卷。俱刊入船山遺書。
2 二賢祠 在方廣寺右。祀朱晦菴張南軒。以林擇之配享。祠爲明御史尹臺洞山所建。後人因並以尹及王船山配享。祠內有嘉惠堂雪霽堂萬玉堂。

宋乾道間。朱子監潭州南岳廟。聞張南軒得衡山胡氏學往訪之。論中庸之義。歷三晝夜。旋偕南軒及林擇之同遊南岳。憩方廣寺。日夕唱和。得詩一百四十餘篇。明羅洪先爲作方廣唱和集序。並書其詩于二賢祠壁。

3 石澗潭 距方廣寺二里。在獅子山側。有瀑布。沿途樹木陰翳。風景極佳。昔人稱方廣聲光影三絕。殆指此處。紫蓋寺在其上。極清幽。現已修整。爲夏季避暑最佳處。

4 天台寺 在方廣寺西天台峯下。

5 黑龍潭 卽黑沙潭。在蓮花峯右。距方廣寺西十里。方廣大坳石澗潭諸水匯注。激成瀑布。高二丈餘。闊一丈餘。秋冬水亦不減。盛夏臨此。寒氣侵人。石壁刻宋徽宗書海內龍湫四大字。禱雨輒應。潭側有龍王廟聽花庵。

(十一) 岫巒峯附近

1 禹王廟 在岫巒峯頂。古木參天。風景極佳。廟側有禹碑。相傳禹王治水得金簡玉書於此。廟係舊建。年久失修。夏季可避暑。由白鷺坳車站下車。抵廟約十六里。

岫巒碑一稱禹碑。至宋嘉定時始發見。蜀人何致漫遊至此。聞樵者言峯上石壁有字。因導往。剔苔薜讀之。得古篆七十七字。高闊約五尺許。撫歸湊成。本世始知有此碑。一

刻于夔門峽中。一刻于岳麓書院後。明楊慎釋其文曰。承帝曰咨。翼輔佐卿。洲渚與登。鳥獸之門。參身洪流。而明發爾興。久旅忘家。宿岳麓庭。智營形折。心悶勿辰。往求平定。華岳秦衡。宗疏事衷。勞餘伸禱。鬱塞昏徙。南瀆衍亭。衣制食備。萬國其甯。竄舞永奔。

2 雨花林 卽雷池塘。在禹王廟下。往昔寺宇清幽。林木秀茂。至岫嶽者無不遊此。嗣以寺產蕩廢。寺宇爲人民佃居。以致狼藉不堪。

3 法輪寺 在岫嶽峯下。禹王廟側。規模宏大。原爲韓愈岫嶽山詩碑。

四 峯巒紀略（附七十二峯名稱）

南岳有七十二峯。回雁爲首。岳麓爲足。祝融爲主。高峙雲中。紫蓋芙蓉。天柱石廩。煙霞諸峯。次之。茲舉其附近可遊者。計三十五峯。其餘從略。

祝融峯 爲七十二峯最高者。自下而上。舊志載爲九千七百三十丈。近人依氣壓表測量。以南岳市爲基點。高一千零八十八米。達東至洞陽。西抵白鶴。雲陽面其南。大圍居其北。石鼓乃朱陵之西門。青草是衡山之左腋。位值離宮。以應火德。爲祝融帝遊息之所。故其頂有巨石。石上有殿。崇祀典也。石刻甚多。（載名勝古蹟內）其下有捨身岩。羅漢洞。青玉壇。會仙橋。橋有試心石。左有望日台。

紫蓋峯 在岳廟東。峯頂有仙人池。峯下有洞靈崖。崖末鄧道士得道處。峯右爲朱陵洞。相傳與廣東羅浮相通。爲道家第三洞天。洞門今閉。下有飛泉掛壁。形如垂簾。故又稱水簾洞。

石刻甚多。峯上有回雁峯三字。石刻發於土中。又有明羅楨書紫蓋峯三字。老天石壽詩等。石刻摩崖書。依地用天四字。大盈尺。

芙蓉峯 在岳廟後。峯最峻。自遠望之。蒼蒼隱天如陣雲。又如芙蓉。上有泉水飛流。如一幅絹。掩映青林。直挂山下。峯上有講經石。方丈餘。鐫天下太平四字。

石廩峯 在岳廟西南。形如倉廩。有二戶。一開一闔。開則歲儉。闔則歲豐。上有風穴。雷池。誦經壇。陳真人煉丹台遺蹟。下有仙人石室。過者常聞諷誦之聲。

雲密峯 在岳廟西。舊志云。高五千三百餘丈。上有桃花源。北有會仙壇。仙人石室。

朝日峯 一名朝陽峯。在岳廟左。昔殷先生負暄於此。故名。有赫胥氏墓。

赤帝峯 在岳廟後。古名煉玉峯。峯後有石刻詩。有祝融氏墓。

紫雲峯 在岳廟西北里許。下有胡文定書院。紫雲書院。院側有一墩阜。山雲止此。不再東行。故一名止雲峯。

集賢峯 在岳廟後。原有南岳書院。爲李泌張九齡舊遊地。後改爲集賢書院。今鳩工建築。爲南岳圖書館。

煙霞峯 在南天門右後。下有懶殘崖。及李泌故居。有淨瓶岩。凌霄壇。壇有巨石。上立石柱。有宋刻乾天坤地。名山大川。上下四維。有感明神十六字。

朱明峯 在岳廟後。峯下有洞。昔鄒仙修真其處。不復出。相傳爲南岳前洞。

獅子峯 在岳廟後。下有靈源。時聞石間冷泠。而不見水。又峯形如柿蒂。故一名柿蒂峯。

華蓋峯 在岳廟後。地產靈芝。一名靈芝峯。

雲龍峯 在岳廟右。下有棲真觀。爲西晉青蓮道士王谷神皮元暉修真之所。後唐董奉先繼之。今誦經石並石像猶存。

潛聖峯 在岳廟西。昔高僧希遷遊南岳。尋方廣寺。訪僧惠海不遇。一日見精舍號方廣。遇尊者止宿焉。既出。反顧人宅俱渺。故以潛聖名。

妙高峯 在潛聖峯右。中有平坦區。傳爲梁惠海尊者誦經處。尊者每誦經。有五白衣長者聽之。尊者詢之。長者自稱非人。乃龍王也。願獻寺基。一夕忽蓮花峯下。擁沙爲坪。遂建方廣寺。

天台峯 在方廣寺西三里許。有智者顛禪師拜經台。無縫塔。蓮花池。酥酪泉。會仙橋遺蹟。峯下舊有天台寺。規模甚大。近由寺僧售與居民矣。

蓮花峯 在岳廟西四十里。狀如蓮花。其下卽方廣寺。寺在蓮花心。前有洗衲石。孫惠海高僧遺蹤。

文殊峯 在岳廟北。唐宣宗太子慕道。自霍之衡。至峻坡西望。見金色瑞相。彌陀僧以爲文殊現身故名。

金簡峯 在岳廟左。有大禹岩。禹治水時。得金簡玉書於此。有石壁刻願天常生好人。願人常行好事。十二字。字闊八寸。又有仰天台爲魏夫人遺跡。

觀音峯 在西嶺與方廣寺之間。形勢奇偉。新脩土路可達。上多奇花異草。春末夏初。至可

觀覽。

祥光峯 在岳廟西北。一名鶴鳴峯。中有靈田。相傳夜分飛光如燭。故名。古樹蔽天。奇花異草甚多。極幽靜。原有藏經殿。已圯。現已興工修建。名普光殿。爲避暑最佳處。

靈禽峯 在岳廟西北。上有朝斗壇。唐薛幽棲於此。祈真感格。忽有靈鳥羣飛。羽毛異色。紅碧相間。聲如笙篁。棲於峯上。

鶴鶴峯 在岳廟東。上有鶴鶴亭。晉尹真人飛昇於此。

崩崩峯 一名側刀峯。在岳廟後。東有石室。惠車子修行於此。峯下老龍池。有檜一。銀杏一。虬枝翠葉。飽歷風霜。爲千餘年古樹。

紅花峯 在岳廟西南。亦曰石榴峯。有夕陽岩。夕陽溪。

安上峯 在岳廟西四里許。止觀橋北有舜廟。舜溪。舜井。下爲安樂寺。今圯。昔虞舜巡狩駐蹕於此。平田中石壁鐫舜樟二字。

碧雲峯 在岳廟東。上有紫金台。雲氣如潑藍黛。

九女峯 在岳廟左西北。有九子岩。卽九仙觀。

紫巾峯 在衡山縣治後。峯多杜鵑花。狀若紫巾。上有紫金台。台徑三尺。禹南巡登此。望九巖以祭舜。下有白龍潭。流杯池。又縣治東北開雲嶺。有南嶽行祠。及開雲樓。

吐霧峯 在岳市南。其形尖削。秀麗俗名土木嶺。雲升則雨。霧降則晴。邑人憑以課晴雨。降真峯 在岳廟後。其下產雲母石。昔武陽洞人遇異人。身毫長寸餘。驚而走。異人曰。我地

仙也。素服蒼耳二百餘歲矣。教爾服之。指示此草。忽失所在。

回雁峯 在衡陽縣城南門外。上有雁峯寺。一名承雲寺。有千手觀音像。高三丈餘。後殿供壽佛。每逢舊曆二月八日。前後數天。朝香女士最多。寺前可俯瞰全城風景。左有岳屏書院。右有船山書院。前對岫巒峯。爲衡陽第一名勝。

岫巒峯 距岳廟五十里。在衡陽北鄉。高一千五百丈。形勢雄偉。樹木蒼古。奇花珍草。香馥。樓郁中有禹王廟。廟側有禹王碑。上有嫫妃墓。峯右有法輪寺。山承翼宿銓德鈞吻。故爲岫。下據離宮。攝統火師。故名岫。後人以岫巒爲南岳主峯。

附南岳七十二峯名

南岳七十二峯。有一峯在長沙對河曰岳麓。隸長沙縣境。一峯居湘潭湘鄉之間曰靈應。有四峯隸衡陽縣境。曰岫巒。會善白石回雁有三峯。隸湘潭縣境。曰碧岫。雲嶂。日華。此外有六十三峯。曰祝融。軫宿。碧羅。芙蓉。煙霞。獅子。榔鉢。集賢。天柱。紫蓋。安上。雲居。紫雲。赤帝。朱明。喜陽。鶴鶴。青岑。翠鷺。金簡。雲密。棲真。仙崖。石困。崩岩。祥光。雷祖。碧雲。永參。紫蓋。香爐。期日。惠日。瑰霄。靈藥。白雲。九女。靈隱。耆閤。靈禽。石廩。天堂。瑞應。觀音。永和。紅花。仙頂。雲龍。明月。雙石。妙高。天台。蓮花。潛聖。會仙。降真。文殊。吐霧。紫巾。白馬。彩霞。曉霞。鳳凰。均隸衡山縣境。

五 旅行須知

1 氣候 南岳夏季不熱。冬季不冷。昔人謂南岳有三天。自山麓至玉版橋爲一天。自橋以

上至半山亭爲一天。自半山亭至山巔爲一天。往往下晴而上雨。或下雨而上晴。或上雨中雲而下晴。或上下俱晴而半山大雲霧。人在山巔足踏白雲。

又盛夏時山巔高寒。日中華氏表大約八十度上下。早晚必降下七八度。或十度。須着棉衣。旅行者宜預帶油布雨衣棉衣。並令轎夫攜帶油布橋棚。

南岳市地勢平衍。西北方岡巒聳拔。南岳廟附近十五里之內。冬季華氏表最低爲三十度。往往長衡等處結冰。此間祇略飛雪。

2 計日遊程 南岳爲湘省唯一名勝。中外遊覽人士絡繹於途。欲求遍覽全景。非旬日不可。其有爲時間所限。不能久遊者。特代編計日遊程於左。

(甲) 四日遊程 第一日由長沙或衡陽乘車大約日中抵南岳站。可雇夫運行李至祝聖寺。或他處午飯。飯後遊南岳廟。或遊水簾洞約八里。或遊黃庭觀。白龍潭。聖經學校一帶約(二里一百二十丈)仍宿南岳市。

第二日 晨飯後由南岳市(百二十丈)——接龍橋(一里百七十丈)——絡絲潭(一里百三十丈)——玉版橋(一里四十丈)——送子殿(二里六十丈)——巴巴嶺(一里百三十丈)——半山亭(一里)——紫竹林(一里)——鄴侯書院(由院後東北行可遊覽般若寺常在庵觀河林一帶風景)——(一里二十丈)——鐵佛寺(一里二十丈)——五岳殿(一里)——湖南寺(一里)——南天門(一百四十丈)——黃帝岩(一里二十丈)——飛

來船（一里四十丈）——獅子岩（一百二十丈）——高台寺（一百二十丈）——上封寺中飯後遊祝融峯約（一里）由祝融峯（一里百三十丈）——觀音岩（一里六十丈）——望日台附近各處晚宿上封寺

南嶽市至上封寺二十里五十丈至祝融峯二十一里一百四十丈惟上山路陡一里可當兩里

第三日 晨起登祝融峯觀日出至上封寺晨飯經南天門（二里百二十六丈）

——火廠（二里九十丈）——普光殿（三里）——龍池折回約（五里）——火廠——（五里二十丈）——觀音窟（一里六十丈）——磨鏡台（一里四十丈）——三生塔（九十丈）——南台寺（中飯）（三里）——金鷄林（四里二百丈）——擲鉢峯（二里六十丈）——福嚴寺（住宿）

普光殿至磨鏡台新修土路較平坦約六里其經過距離如下普光殿（二里四十四丈）——考塔圪（二里一百零捌丈）——羅漢洞（一里七十丈）——磨鏡台

——磨鏡台

第四日 福嚴寺（晨飯）（五里七十丈）——西嶺（五里八十六丈）——新土路（三里一百四十四丈）——觀音峯（五里八十丈）——方廣寺（一里五十丈）——石澗潭（中飯）（二里五十八丈）——方廣大壩（八里十丈）——福勝寺（八里二十丈）——轉神壩（五里三十丈）——龍神潭（

六里百五十丈)——晚宿南岳市

(乙) 二日遊程 第一日各處乘車抵南岳站午飯後由南岳市(百二十丈)——接

龍橋(一里百七十丈)——絡絲潭(九十丈)——趙澗(一里四十丈)——

玉版橋(三里一百丈)——巴巴嶺(一里百三十丈)——半山亭(二里

)——鄴侯書院(由院後東北行可遊覽般若寺常在庵觀河林一帶風景不必

久停)(一里二十丈)——鐵佛寺(一里二十丈)——五岳殿(一里)——

——湖南寺(一里)——南天門(黃帝岩或不去)(二里百一十六丈)——

獅子岩(百一十丈)——高台寺(百二十丈)——上封寺(住宿)(一里

)——祝融峯

第二日 晨起觀日出至上封寺(晨飯)(三里百六十六丈)——南天門(

二里百二十丈)——火廠(二里九十丈)——普光殿(三里)——龍池折

回普光殿(二里二十丈)——老塔圪(四里二十丈)——磨鏡台(二里五

十丈)——福嚴寺(九十丈)——三生塔(九十丈)——南台寺(中飯)

(百六十丈)——天生磴由右邊小路(四里百二十丈)——聖經學校(一

里)——黃庭觀(一里)——南岳圖書館(百二十丈)南岳市(住宿)翌

晨遊南岳廟飯後搭車

(丙) 一日遊程 清晨起程由南岳廟(百二十丈)——接龍嶠(一里百七十丈)

——絡絲潭（九十丈）——趙澗（一里四十丈）——玉版磴（三里二百丈）——巴巴嶺（一里百三十丈）——半山亭（二里）——鄴侯書院（一里二十丈）——鐵佛寺（一里二十丈）——五岳殿（一里）——湘南寺（一里）——南天門（二里百六十丈）——獅子岩（百一十丈）——高台寺（百二十丈）——上封寺（一里）——祝融峯返至上封寺午飯後經南天門（二里百二十丈）——火廠（二里九十丈）——普光殿（二里二十丈）——老塔圪（四里二十丈）——磨鏡台（二里五十丈）——福嚴寺（九十丈）——三生塔（九十丈）——南台寺（午飯）——經天生磴約（八里四十丈）——回南岳市遊覽南岳廟及祝聖寺等處

3 管理轎夫挑夫暫行規則

第一條 本規則依據南岳管理局暫行章程第一條之規定制定之。在本局管轄區域內。轎夫挑夫。有切實遵守之義務。

第二條 凡充當轎夫挑夫者。均須取具妥保。繳納登記費洋壹角。前來本局登記。領取袖章。

第三條 凡未滿十八歲及已過五十歲。或體格羸弱。精神喪失常態者。均不得充當轎夫挑夫。

第四條 轎夫挑夫暫設夫頭二人。

第五條 夫頭由轎夫挑夫公推。報由南嶽管理局考核派充。

第六條 夫頭用費。由各轎夫挑夫應雇所得工資內抽收百分之五。但每人每月所得至多以十五元爲限。其剩餘之數。作爲全體轎夫挑夫之公積金。公積金之用途。由全體轎夫挑夫議決。經本局之核定支配之。

第八條 凡旅客雇用轎夫挑夫時。除私人持有主顧函約。准其抬運外。無論何時。均由夫頭按照編定號數。挨次輪派。各轎夫挑夫。不得爭先。其因疾病或事故缺班者。以後仍可按號次儘先補雇。但不准將袖章私給他人頂用。

第九條 凡旅客體重逾百斤（百三十三磅）者。准增加轎夫一人。體重逾百五十斤（二百磅）者。准增加轎夫二人。

第十條 轎夫不准在中途向旅客纏擾。請求增加轎夫。及強迫旅客下轎步行。違者一經查出。或被旅客報告。卽行重辦。

第十一條 轎竿繩索。轎布。雨衣等件。轎夫應於平時自行檢查。稍有損壞。卽宜對換修補。如查有爛破。轎布。卽臨時取銷其應雇資格。另以他轎應雇。

轎內坐板。應改用空花。廣藤。或棉帶。棉繩。以便乘坐。

第十二條 轎夫挑夫價格。由本局規定。不准藉故增加。並嚴禁強索酒資。如違。一經查出。或由旅客將號碼報明。卽按增加或強索之數。加倍處罰。處罰至三次者。撤銷其登記。

轎夫挑夫工價表另定之。

第十三條 旅客行李交付轎夫或挑夫之後。如有損壞。或遺失。轎夫挑夫應負賠償之責。

第十四條 汽車站旅客下車時。夫頭應遵守汽車站職員之指導。派遣若干轎夫挑夫挨次運送。不准越序入站。

第十五條 轎夫挑夫於中途或市內。應旅客之雇用時。應於當時或事後報告夫頭登記並補送抽收費用若不報告。一經查出第一次罰充所得工資全部。犯第二次者。即撤銷其登記。

第十六條 旅客雇用轎夫挑夫。若言定以天數計算。無論遊至何處。悉聽旅客之意。不准在中途停工。並不准故意緩行。

第十七條 轎夫抬至陡坡地方。務須注意旅客之安全。不准故意顛簸。

第十八條 本規則如有未盡事宜。得隨時由本局修改之。

第十九條 本規則自呈奉核准之日公佈施行。

附橋夫挑夫工價表

地 點	起 止	工 價	
		往 返	工 價
由車站至南岳廟街	銀	三〇〇	〇〇〇
由車站至半山亭		六〇〇	一〇〇
由車站至福嚴寺		六〇〇	一〇〇
由車站至祝融峯		一〇〇〇	三〇〇
由車站至金雞林		五〇〇	九〇〇
由金雞林至福嚴寺		三〇〇	三〇〇
由福嚴寺至方廣寺石澗潭		六〇〇	一〇〇〇
由車站至聖經學校		一五〇	三〇〇
由車站至方廣寺石澗潭		二〇〇	七〇〇
由福嚴寺至方廣寺石澗潭		八〇〇	三〇〇
由車站至水簾洞		六〇〇	一〇〇〇
由南岳市至普光殿		一〇〇	五〇〇
由南岳市至老塔光殿		二〇〇	三〇〇
由南岳市至老塔光殿		一〇〇	五〇〇
由南岳市至老塔光殿		一〇〇	三〇〇
由南岳市至老塔光殿		一〇〇	三〇〇

附 記

凡僱夫一名以天數計算者每天每名給工價洋六角。食宿在內。不准夫役中途停工。及索取旅客茶資。不准要求加價。及中途要求旅客下橋。違者由旅客通報管理局罰究。

食宿處所及食宿一覽表

牌名	所在地	每日食宿價目	附記	牌名	所在地	每日食宿價目	附記
寺	東街	普通五角特別一元		祝聖寺	東街	普通五角特別一元	
大善寺	北街	普通五角特別一元		萬順園	西街	三角	
上封寺	祝融峯下	普通五角特別一元		萬順棧	西街	三角	
福嚴寺	祝融峯下	普通五角特別一元		陳仲遠	西街	三角	
南台寺	祝融峯下	普通五角特別一元		易復茂	西街	三角	
劉復隆	東街	三角		陽泰臨	西街	三角	
鼎興館	東街	三角		曠連興	西街	四角	
陳興隆	東街	三角		楊光華	北街	四角	
劉萬順	東街	三角		康有年	北街	四角	
曠萬友	東街	三角		陽光庭	北街	四角	
譚萬豐	東街	三角		彭玉林	北街	四角	

胡成興	秦華館	楚南館	陽松茂	李聚泰	吳萬盛	陽鴻發	恆太祥	羅慶華	阜南館
南	東	東	東	東	東	東	東	東	東
街	街	街	街	街	街	街	街	街	街
三角									
蕭春隆	黃春和	趙永和	文裕和	曠玉和	胡慶雲	董文煥	羅德和	黃秋和	唐士林
北	北	北	北	北	北	北	北	北	北
街	街	街	街	街	街	街	街	街	街
四角									

白鷺		南嶽		衡山		茶恩		中路		茶園	
開	到	開	到	開	到	開	到	開	到	開	到
開十二點四十七分	到十二點四十五分	開十二點十一分	到十二點〇八分	開十一點四十八分	到十一點四十四分	開十一點二十分	到十一點十八分	開十點四十六分	到十點四十四分	開十點二十五分	到十點二十三分
三點十七分	三點十五分	二點四十二分	二點二十八分	二點十八分	二點十四分	一點五十分	一點四十八分	一點十六分	一點十四分	十二點五十五分	十二點五十三分
四點十二分	四點十分	三點三十七分	三點三十三分	三點十三分	三點〇九分	二點四十五分	二點四十三分	二點十一分	二點〇九分	一點五十分	一點四十八分
			四點三十三分	四點十三分	四點〇九分	三點四十五分	三點四十三分	三點十一分	三點〇九分	二點五十分	二點四十八分

衡下區間客車開到時刻表

衡山		南岳		白鷺		衡陽		站別	次 數
開	到	開	到	開	到	開	到		
十二點二十三分	十一點十九分	十點五十九分	十點五十五分	十點二十二分	十點二十分	九點五十分	九點五十分	午	二
十二點三十三分	十二點十九分	十一點五十九分	十一點五十五分	一點二十二分	一點二十分	十點五十分	十點五十分	下	三
三點二十三分	三點十九分	二點五十九分	二點五十五分	二點二十二分	二點二十分	一點五十分	一點五十分	午	四
									衡陽
									到
									一點十七分
									三點四十七分
									四點四十二分

附 記

- 一、長衡路每日通車午前約三四次午後約一二次由南岳至長衡可隨時乘車
- 二、南岳站隨時可雇專車
- 三、每值秋季香客衆多公路局臨時加派大宗車輛旅客隨到隨開

六 物產

下西		茶園		中路		茶恩	
	到	開	到	開	到	開	到
	一點〇七分	十二點四十四分	十二點四十二分	十二點三十分	十二點二十六分	十一點四十九分	十一點四十七分
	二點〇七分	一點四十四分	一點四十二分	一點二十三分	一點二十一分	十二點四十九分	十二點四十七分
	四點十七分	三點五十四分	三點五十二分	三點三十三分	三點三十一分	二點五十九分	二點五十七分
	五點〇七分	四點四十四分	四點四十二分	四點二十三分	四點二十一分	三點四十九分	三點四十七分

南岳山物產甚多。茲就其大者記之。

1 穀豆 南岳山氣候溫和。土質含沙。田畝所產穀豆。除供給民食外。尚能運銷他處。

2 茶 蓮花峯。毘盧洞等處產茶。品質最佳。至爲珍貴。每年穀雨前摘焙。煮以峯泉。浮乳甘香。不減徽歛。

3 紙 岳山前後皆產南竹。而後山尤多。用以製紙。年在二十萬石以上。價值數十萬金。運銷鄂豫皖魯等省。

4 筍 有山筍。筍之小者。竹經野燒。當春怒發。林間煮之。曝以餉客。俗名小筍。有春筍。笋之大者。煮而薰之名。素火腿。有冬笋。笋之不篔者。歲冬生竹根下。味甘美。其價昂於春。又有觀音笋。在二月十九觀音誕日前後。生小竹下。味極清美。

5 編爆 岳山後東湖白菓等處。製造編爆。運銷粵滬。年約百餘萬金。

6 磁器 岳山後界牌馬蹟橋等處。陶燒磁器。品質雖遜於醴陵景德鎮。而銷運省內外。亦爲出品之大宗。

7 藥材 最著者。爲黃精、首烏、白朮、天生芥、西芎、又有黃藥、白藥、台烏、遙道竹、淡竹葉、活血藤、萬年松、天明冬、木通、山枸杞、石菖蒲、管仲、涼姜、雲母、石白芷、參、黃梔子、黃金子、女貞子、條風、荆芥、山棗、山淮藥、五味子、山芥、天南星、半夏、大黃、白朮、仙茅、苦蕒、桂辛、山慈茹、茱萸、山豆根、秦艽、續斷、馬兜鈴、細辛、沙參、五倍子、靈芝等大。率運銷各埠。轉售外人。

七 南岳廟祀典及祀費

1 祀典 以前用牛一羊一豕一。民國二十二年春社奉湖南省政府訓令祭品用香花

酒果不宰牲。由湖南省政府派員致祭。行三獻禮。

2 祀費 每年春秋二祭。祀費各洋一百二十元。在省庫開支。由民政廳發交南嶽管理局領用。

八 香市

岳神塑像高大莊嚴。朝拜者無日無之。惟人數多寡。以時令而異。春正新年。近市居民爲衆。三五兩月。市民演劇酬神。遊觀者較多。夏節後天氣漸熱。岳市高峙。四周空曠。暑氣不侵。更兼森林古剝。崖谷深壑。清幽異常。中外人士。有來此避暑者。七月至九月。遠方人士。結隊來此進香。輪裝車載。晝夜不遑。其徒步往返者。約占十分之七。燒拜香者。每年約二三萬人。尤以邵陽新化等縣。六七十歲老年婦人。燒餓香者爲更奇云。（徒步背插小杓子。往返約七八天。不火食。）

九 商業

南岳香市期間（七八九等月）坐賈行商。貿易頗盛。自櫺星門左右至天下南岳坊。爲商

業最熱鬧之地。貨物布疋而外。以本地木貨玩具爲盛。香客購歸。用作紀念。湘省各縣特產。亦多有運此處發賣者。

十 購地租地建築屋宇辦法

南岳管理區域內。租購土地。建築屋宇辦法。呈由 省政府規定如下。(1) 屬於省有之土地。與興辦公共事業無妨礙者。准由人民向管理局承租。訂立契約。管理局以其土地面積若干。每年租金若干。及租賃年限。一一呈報 省政府核准備案。(2) 管理局每年所收租金。逕解省庫。

十一 治安

管理局警察隊一隊。現駐金寶寺。隊長一人。警士二十名。每值秋季。則臨時調遣軍隊駐市保護。

十二 機關團體表

名	稱地	點名	稱地	點
南岳管理局	南岳市北街	南岳建築工程處	南岳市新三元宮	
南岳森林局	南岳市雲峯寺	公路局長衡段養路工程處	南岳市南街歐陽祠	

南岳圖書館

北街前集賢書院

衡山第九學區教育
委員會

南岳市正街關帝廟

公路局南岳車站

南岳市前

南岳市街道整理委
員會

附設管理局

南岳郵政代辦所

南岳市東街

十三 教會

南岳佛教會 在祝聖寺

天主堂 在南岳市東街。司馬橋下。佈道者爲長沙周藍田。

福音堂 在南岳市東街。佈道者爲德國牧師任明道。教友三十餘人。

十四 故事

大禹治水成功之由來

禹傷父功不成。乃勞心焦思。以行七年。聞樂不聽。過門不入。功未及成。乃案黃帝中經。歷見聖人所記曰。在九疑山東南天柱。號曰宛委。赤帝左闕。其巖之巔。承以文玉。覆以磐石。其書金簡。青玉爲字。編以白銀。皆琢其文。禹乃東巡。登衡嶽。血白馬以祭。不幸所求。禹乃登山仰天而嘯。忽然而臥。夢見赤繡衣男子。自稱玄夷蒼水使者。聞帝使文命於斯。故來候之。非厥歲月。將告以期。無以戲吟。故倚歌覆釜之山。東顧謂禹曰。欲得我山神書者。齋於黃帝巖嶽之下。三月庚子。登山發石。金簡之書存矣。禹退。又齋三月。登宛委山。

(卽衡山)發金簡之書。案金簡玉字。得通水之理。仍返歸嶽。(見吳越春秋)紫蓋峯在衡山北。昔禹治水登而祭之。得治水之要。又雲密峯有大禹巖。峯半有神禹碑。皆科斗文字。人不易見。碑下有石壇流水。祭之。(見潛確類書)案以上紀載。並見于十洲記。隨巢子。湘中記。水經。註。湘水記。諸書。雖近神話。然證以近日報載。火星先覺。與美總統羅斯福通訊之事。又安敢謂其必無也。

六朝隱逸

六朝人熹縱情山水。重節操。以不聞理亂高臥名山。相矜尚。其隱居衡山者。則有劉凝之。宗炳。測。庾承先。鄧郁。諸人。劉凝之字隱安。枝江人。父期公爲衡郡守。凝之慕老萊。嚴子陵。爲人推家財與弟及兄子。辟召無所就。妻涼州刺史郭銓女也。亦能棄榮華。共安儉苦。荊州年饑。衡陽王餉凝之錢十萬。凝之悉分與饑者。性好山水。一旦携妻子浮江湖。隱衡山之陽。登高峯。絕人迹。爲小屋居。采藥服食。妻子皆從其志。宗炳字少文。隄陽人。妙善琴書。尤精元理。宋高祖召爲太尉參軍。不就。愛遠遊。南登衡嶽。結宇山中。懷尚平之志。後以病返江陵。歎曰。老疾俱至。名山恐難遍觀。惟當澄懷觀道。臥以遊之。凡所遊歷。皆圖於室。謂人曰。撫絃動操。欲令衆山皆響。宗測字茂深。南陽人。齊永明三年。詔徵太子舍人。不就。縱遊名山。齋老莊。二書自隨。子孫拜辭悲泣。長嘯不視。遂往廬山。尋遊衡山。著衡山廬山記。續皇甫謐高士傳。庾承先字子通。鄆陵人。九流七略。咸所精練。郡辟功曹。不就。與王僧鎮同遊南嶽。寄情邱壑。鄧郁。荊州建平人。少而不仕。隱居南嶽極峻之嶺。立小板屋兩間。足不下山。辟穀三十餘載。惟飲澗水。服雲母。屑誦大洞經。梁武帝敬信殊篤。嘗爲帝台丹。帝不敢服。起五嶽樓貯之。後無

病而終。世稱南嶽鄧先生。又陶淵明桃花源記中南陽之劉子驥。嘗采藥至衡山。深入忘返。見一澗水。其南有二石。困一開一閉。水深莫渡。欲返。失故道。遇伐弓人。問徑。乃還。子驥後聞人言。困中皆仙靈方藥。欲往尋索。不復知處。子驥名驥之事。見普書。

南岳開山祖師

南岳慧思祖師（卽三祖）十五歲出家。牛行象步。耳有重輪。平昔禦寒。惟一艾納。專誦法華。日惟一食。在郢州刺史講經。有人以毒置食中。命垂盡。師一心念般若波羅密。毒卽消散。知齊祚將傾。乃往南岳。師一日登祝融峯。與嶽神會棋。神揖師曰。師何來。師曰。求檀越一坐其地。神曰。諾。師飛錫以定其處。（今福嚴寺是）神曰。師已占福地。弟子當何所居。師卽轉一石鼓。下逢平地而止。（今岳神塑像坐石鼓上）岳神乞戒。師乃爲說法。要一日師謂岳神曰。他日吾有難。檀越亦當有難。師指岩下曰。吾一生會居此坐禪。爲賊斷首。當掘獲枯骨一聚。至西南隅。指大石。吾二生會居此。卽捨骷髏起塔。以報宿修之恩。又指蒙密處曰。此古寺也。吾三生會居此地。使人掘之。果有僧用器皿及屋基。因築爲衆說般若經。衆患無水。師以杖卓崖。虎因跑地。泉乃湧出。大建元年。九仙觀道士歐陽正則。詭奏宣帝。誣師受齋募。爲巫蠱事。圖不軌。帝遣使考察。初度石橋。有兩虎號吼。使者驚退。師飛錫往金陵。四門皆見。師入帝坐。便殿見師。乘空而下。梵相異常。驚悟其神。以道士誣告。罔上案治之。法當棄市。師請貸其死。乞放還山。給侍僧衆。以示小懲。帝可之。而餞師以殊禮。師旣返嶽。南嶽說法如故居。恆有諸天童。以爲侍衛。供物嚴備。瓶水自滿。嘗示衆曰。道源不遠。性海非遙。但向己求。莫從他覓。覓卽不得。得亦非真。誌公嘗遣人謂師曰。何不下山教化衆生。師報曰。三世諸佛。被我一口。

吞盡。有何衆生可化。見南岳志。

首創天台宗之智者大師

智者大師。名智顛。目有重瞳。俊朗通悟。初謁思大師。

於大蘇山。思一見語之曰。昔靈鷲同聽法華經。今再來矣。卽示以普賢道場。說四安樂行曰。非爾莫證。非予莫識。此乃法華三昧。前方便初旋陀羅尼也。師既承印。可隨侍南嶽二載。陳大建元年。往金陵瓦官寺。創宏禪法。尋感異夢。住天台峯。號天台智者。說法三十餘年。常被一壞衲。煬帝尊信之。執弟子禮甚恭。撰法華經義止觀等部。凡百餘卷。門人灌頂。日記萬言。而編輯之。總目爲天台教別。隋開皇十七年十一月二十二日。語衆曰。吾將去矣。言已端坐而逝。年六十有七。師在南岳。旣解法華六根清淨義。沉吟久之。有西域僧謂曰。惟首楞嚴經著明六根功德。足與相證。師於是渴慕斯夕。望西遙拜。如是者積十六年。今南岳天台寺左畔。有拜經臺。其遺蹟也。師入滅後。楞嚴始至中土。猶師之精誠所感云。見南岳志。

懶殘煨芋

唐天寶初。懶殘和尚。居衡岳寺。爲執役僧。晝專一寺之工。夜止羣牛之下。

二十年無倦色。每日俟衆食畢。卽收所餘食之。以其性懶而食殘。故號懶殘。羣僧嘗令看鹽。雨至流於池。羣僧殿之不怒。冬月臥竈前不起。衆以粥瀟其頭。因就頭取而食之。李泌讀書寺中。聽其梵唄。響徹山林。李頗知音。能辨休戚。謂懶殘經音。先悽惋而後喜悅。必謫墮之人。時將去矣。候中夜。李潛往謁焉。望席門通名而拜。懶殘大詬仰空而睡曰。是將賊我。李愈敬謹。惟拜而已。懶殘正撥牛糞。火出芋啖之。良久。命之席地。取所啖芋之半。以授焉。謂李曰。慎勿多言。領取十年宰相。李拜而退。居一月。刺史將祭嶽。修道甚嚴。忽中夜風雷。一峯頽而下。綠山磴道爲大。

石所攔。以十牛挽之。數百人鼓譟推之。不能動。嬾殘曰。我能去之。衆大笑。以爲狂。嬾殘曰。何必見嗤。試可。乃已。遂履石而動。忽轉圜而下。聲若震雷。山石既開。寺僧皆羅拜。刺史奉之若神。嬾殘峭然。乃懷去意。忽寺外虎豹成羣。日有殺傷。嬾殘曰。授我箠爲爾盡驅除之。衆與之荆挺。皆踴足以觀。纔出門。見一虎銜之而去。蓋皆其所幻也。自後虎豹亦絕蹤。而李公果十年宰相。見甘澤謠。嬾殘居衡山石窟中。嘗作謂曰。世事悠悠。不如山邱。青松蔽日。碧澗長流。山雲當幕。夜月爲鈎。臥藤蘿下。塊石枕頭。不朝天子。豈羨王侯。生死無慮。更復何憂。其言宏妙。皆發佛祖之奧。德宗聞其名。遣使馳詔召之。使者叩其窟。宣言天子有詔。尊者幸起謝恩。嬾殘方撥牛糞火。尋煨芋食之。寒涕垂膺。未卽答。使者笑之。且勸嬾殘拭涕。殘曰。我豈有功夫爲俗人拭涕耶。竟不能致而去。(見林間錄)

徐敬業爲衡山僧

唐天寶初。有老僧年九十餘。名住括者。至衡嶽居月餘。忽集僧

徒。讎侮殺人罪咎。僧徒怪之。遂謂衆曰。汝頗聞有徐敬業否。卽我是也。兵敗擒虜。養似己者。斬之。吾逃入大孤山。精勤修道。今命將終。故來此。使世人知吾已證四果矣。因自言卒期。遂葬於衡山。見紀聞宋之間。嘗遊靈隱寺。月夜行吟。得詩曰。鷲嶺鬱岩嶢。龍宮鎖寂寥。以下苦吟未得。續有老禪點長明燈。坐大禪床。語宋曰。何不云樓觀滄海日。門對浙江潮。宋灑然異之。遲明更放。則不復見矣。寺僧有知者曰。此駱賓王也。當徐敬業兵敗時。與賓王俱逃。捕之不獲。將帥懼得罪。乃取貌似二人者。函首以獻。故敬業得爲衡山僧。年九十餘。乃卒。賓王亦落髮。徧遊名山。至靈隱周歲而卒。(見唐本事詩)

仙人王十八

王十八衡山人。唐劉晏好道術。嘗遊長安藥肆。見道者四五人。飲酒談謔極歡。既而曰。世間更有何人得似我輩者。一人曰。王十八可矣。晏心識之。及爲嶺南刺史。道過衡山縣館焉。時春日。和暖。郵吏具食。陳冷菜。甚芳潔。詢所自來。則官園子王十八所種也。晏驚憶道者語。遂往見之。衣犢鼻褌。灌畦狀。貌山野。問其家屬。對曰。飄蓬不省所自。何親屬之有。晏言於縣。擢往任所。既登舟。與同坐食。俄而十八患痢。舟隘甚。左右掩鼻。晏終無厭意。色未幾死。葬之路隅。後晏還朝。復過衡山。縣令問曰。使君前攜園子去。何歸之速也。晏驚問何時歸。曰。去後月餘。卽歸。晏驚甚。卽步至園中。鄰人曰。王十八昨暮去矣。詢其到縣之日。卽途中疾卒之辰也。遣人往瘞。所發其棺。僅衣服而已。晏至京。得重疾。將屬。聞叩門聲甚急。稱王十八求見。引入臥所。出藥三丸。晏服之。蹶然而起。與之金帛不受。又三十年。晏乃卒。見南岳志。晏歸朝時。王十八出藥三丸與之。且曰。藥一粒可延十年。挽留之不可。晏入朝。領鹽鐵坐事。貶忠州。已三十年矣。一日十八復至。以鹽入水飲晏。乃吐出前藥三丸。晏乃有兄子在側。擡而吞之。十八熟視曰。爾有道氣。固知當爲爾掠也。去不復見。見湖廣通志。

趙清獻通禪理

清獻公趙抃居士字閱道。年四十餘。擯去聲色。係心宗教。會佛慧

來居衡之南禪。公日親之。慧未嘗容措一詞。後典青州。政事之餘。多宴坐。忽大雷震驚。卽契悟。作偈曰。默坐公堂。虛隱几。心源不動。湛如水。一聲霹靂。頂門開。喚起從前自家底。慧聞笑曰。趙閱道。撞彩耳。富鄭公初於宗門。未有所趣。公勉之。書曰。伏惟執事富貴如是之極。道德如是之盛。福壽康甯如是之備。退休閒逸如是之高。其所未甚留意者。如來一大事因緣。如已能專誠。

求所證悟。則他日爲門下賀也。公年七十有二。以太子少保致仕而歸。親舊里民。遇之如故。作高齋以自適。題偈見意曰。腰佩黃金已退藏。箇中消息也尋常。世人欲識高齋老。祇是柯村趙四郎。復曰。切忌錯認。臨薨遺佛慧書曰。非師平日警悔。至此必不得力矣。慧悼以偈曰。仕也邦爲瑞。歸歟世作程。人間金粟去。天上玉樓成。慧劍無纖缺。冰壺澈底清。春風澗水路。孤月照雲明。公致仕後。其子夬提舉兩浙常平。夬奉公遍遊諸山。於衡山城前家焉。元豐七年薨。年七十。七贈太子少師諡清獻。拈長厚清修。人不見其喜愠。平生不治貲產。不畜聲伎。日之所爲。夜必焚香以告天。不可告。則不敢爲。拈真世人標表。蓋以爲不可及。去錄司馬光撰趙清獻公傳。

向士壁挫元兵于嶽市

宋理宗開慶元年。元將兀良哈由交趾雲南進據邕桂。順湘流而下。直趨潭州。時忽必烈圍攻鄂州甚急。苟潭州不守。則鄂州腹背受敵。必不支。而長江下流數千里。無險可守。皆非宋有矣。時湖南制置副使爲向士壁。親率軍民嬰城拒守。置飛虎軍。復募斗弩社。元兵乘其百勝餘威。圍城甚力。迄不得逞。願強弱異勢。元兵且陸續自廣西入湘。境州城旦夕可危。士壁聞其後隊且至。乃遣王輔佑率五百人往覘之。遇於南嶽市。與戰。敗之。潭圍遂解。鄂州亦全。和議乃定。士壁既有功。賈似道深嫉之。藉口餉報不實。殺之。以是激諸將之叛。相紀降元。不二十年而宋亡。按嶽市當祝融之麓。紫蓋諸峯環抱左右。其前則疇野開敞。丘陵起伏。可據險以守。亦可設伏以攻。故向軍得以五百人大破敵衆。而其當日痛憤異族侵略。奮不顧身之英概。至今思之。猶凜凜有生氣云。其事見宋史及儲大文遊嶽市記。

吳三桂問卜

吳三桂稱帝於衡州。衡山嶽廟有白龜。大如錢。多靈異。三桂卜日詣

廟供天下輿闕於神座前。默視龜之所向。蹣跚循走。不出長沙衡永間。已復從貴州至雲南而止。三再虔禱。白龜三復如之。三桂主臣相顧失色。後果如所卜。見明季稗史。

明遺民遁跡空門

明御史錢邦芑。字少開。丹徒人。少有文譽。明鼎既革。髡髮爲僧。

號大錯。寄跡武陵。後居南岳。卒後。葬集賢書院側。所著書綜一百七十卷。並行於世。相傳大錯來衡時。晤破門和尚。相對三日夜。無言已。而相持大哭。破門亦明進士。工詩及草書。國變後。遁跡爲僧也。釋續鐙弔大錯墓詩云。紫雲峯下讀殘碑。日落空山叫子規。井底蕉書成故事。菴前梅樹見風儀。銅駝有恨泉臺遠。鐵甕無家嶽杖遲。墓草一時芟不盡。歸來還讀大招詩。

滿兵入關後。明代遺民多隱於浮屠。耿耿不忘故國。其在南嶽者。大錯破門而外。有南雲行脚（號納拾錢）大成（號竺庵）洪儲（號退翁）正志（號巽庵）一念諸僧。南雲大成俱能詩。正志卽熊開元。官至大學士。明亡披緇入衡。初事洪儲爲執爨事。嘗書箕雲釣月四大字。鑄於飛來船側。洪儲主講福嚴寺。三年前後居吳中最久。厚重尙俠義。當時東南遺臣。賴以全活者甚衆。竟被連染。久乃得脫。好事如故。自謂憂患得其宜。湯火亦樂國也。國變後。每年三月十九日。必素服焚香。北面揮淚。二十八年如一日。一念和尚上元人。世襲指揮使。明亡。祝髮南岳。以豪俠曠達聞。又甯鄉陶汝瀟。字密庵。工詩文書法。有楚陶三絕之目。仕明爲檢討。隆武永歷間。常與周堪。唐郭都賢。王夫之等往來衡山。謀復明社。後往見李定國於衡州。因謁嶽廟。及定國敗退。或許之於清吏。被逮繫獄。幾死。踰二年。乃解。遂祝髮大瀉山。號忍頭陀。益陽郭都賢。字天門。號些庵。官僉都御史。巡撫江西。滿兵入關後。應其門人史可法之招。值馬阮交惡。知

事不可爲。乃歸隱益陽石門山中。丁亥削髮爲僧。法名頑石。久之文字獄興。逮繫武昌。遇大赦得釋。居沔水十六年。築室爲補山堂。洪承疇過訪見之。摩其頂。歎爲全人。後以其子良史案。復被牽連。對簿江陵。卒客死於江陵之承天寺。所著些庵詩鈔。同縣蕭大猶爲之校刊。與陶密庵交誼最篤。嘗遊南岳。有遊記及詩十餘首。

嶽神之靈異

南岳香火之盛。甲於全國。每逢秋季。遠近入山進香者。日以千計。其

靈感事蹟甚多。人咸樂道之。相傳張獻忠嘗謁岳進香。宿雙峯寺。接見當地紳耆。自言初到寶慶時。夢岳神戒勿殺。洪秀全率兵過衡。見有兩將軍立於河畔。高大無比。遂不敢渡。河入嶽。語雖無徵。然歷代地方官吏。遇有災變。禱於嶽。往往其應如響。宋祁真德秀均自撰祭文。見文集。中。而茲山數千年來。民居寺觀。迄未罹兵燹之慘。非偶然也。茲將見於舊籍者。摘錄數則於左。

衡岳廟之四門。皆有侍郎神。惟北門主兵最靈驗。朝廷每有軍旅之事。則前期差官致祭。用盤上食。開北門。然亦不敢全開。以尺寸計兵數。或云其主司乃張子亮也。張爲湖南運判。死於官。丁卯戊辰之間。南北之兵未釋。朝廷降香。以借陰兵。神許啓門三寸。臬使遂全門大啓之。兵出既多。全以捷告。而廟旁數里居民。皆罹風災。壞民居近千家。最後有聲若雷震者。民喜曰。神歸矣。果遂帖息。見癸辛雜識。楚王馬希聲嗣位。連年亢旱。祈禱不應。乃封閉南岳司天王廟。及境內神祠。竟亦不雨。其兄希振入諫。之飲酒。至中夜而退。聞堂前喧噪。復入見希聲。倒立階下。衣裳不披。其首已碎。令親信昇上。以帛蒙首。翼日發喪。先是大將周達自南岳回。見江上雲霧中。

有擁執希聲而去者。祕不敢言。是夕有物如黑幕。突入室中。卽時而卒。見北夢瑣言。南岳廟殿高七丈二尺。凡七十二柱。以象七十二峯。明正統壬戌。藩臬兩司使。檄長沙衡州二郡守。修建其高。減於舊者五尺。已樹柱矣。忽風雷交作。白晝晦冥。及霽。視其柱去基所已半里許。官民畏悚。謝過。乃復崇其制。如初。語詳商輅重修岳廟記。見爽谿筆記。黃璽字廷璽。餘姚人。兄伯震。商十年不歸。出求之。徑行萬里。不得蹤跡。最後至衡州禱南岳廟。夢神授以繡綿盜賊際。狼狽江漢行二句。一書生告之曰。此杜甫春陵行詩也。春陵今道州。盍往尋之。璽從其言。既至無所遇。一日入廁。置傘道旁。伯震適遇之。曰。此吾鄉之傘也。循其柄而觀。見有餘姚黃廷璽記六字。方疑駭。璽出問訊。則其兄也。遂奉以歸。見明史孝傳。

張九鉞之去來

張九鉞字度西。號紫峴。少負仙才。錢塘袁太史枚讀其詩。曰。青蓮

後身也。乾隆辛酉。以拔貢入城均。名動公卿間。壬午舉順天鄉試。歷知江西南豐。峽江南昌諸縣。多著循聲。丁母憂。服闋。起爲廣東海陽令。及歸。宦囊蕭然。時畢制府沅建節武昌。集海內名流爲宋蘇文忠公生日修祀賦詩。九鉞走筆作長歌四座爲之歎服。後主昭潭講席十餘年。作育人才。一時稱盛。卒年八十三。著有陶園詩文集。九鉞父垣。禱於南嶽而生。六齡時。携之遊昆廬洞。寺僧異之。曰。郎君貌何類吾師之甚也。因出句屬對。曰。心通白藕。九鉞應聲曰。舌湧青蓮。僧大駭。鳴鐘聚徒衆膜拜。曰。先師圓寂時。留此偶句云。後有屬對。昭合者。卽我後身。今郎君前生非吾師而何。後九鉞老且病。一日其子世津自外入。瞥見其父脫儒冠。出懷中僧帽戴之。飄然而去。追之不及。亟入省視。九鉞伏枕如故。惟口吟云。擔柴運米百無能。自讀楞嚴自翦燈。夜

半萬緣鐘打盡。前身南嶽一枯僧。遂卒。九鉞生時。徧體作旃檀香。其父知所禱之異。於其既就外傳也。携往禮拜焉。十二歲作嶽麓六朝松歌云。我昔六歲時。家嚴携之謁嶽靈。又云。師驚拜我呼尊宿。五日留之飯松粥。黃精苗盛芋魁肥。白藕青蓮對相屬。蓋紀實也。見湖南通志。湘潭縣志及陶園年譜。

 名 人 題 詠

名人題詠

庚 闌（字仲初。鄆陵人。幼好學。九歲能屬文。晉永嘉末。其母隨兄肇沒于石勒之亂。安甚不櫛沐。不婚宦。絕酒肉。垂二十年。後以平蘇峻功。封吉陽縣男。出補零陵太守。徵拜給事中。卒諡貞。）

衡山

北眺衡山道。南瞻五嶺末。寂坐抱虛恬。運目情四豁。翔蚪凌九霄。陸鱗困濡沫。未體江湖遊。安識南溟闊。

張九齡（字子壽。曲江人。唐開元中爲上相。奉命祀岳事畢。訪白雲先生司馬承禎于九真觀。）

祭南岳事畢謁司馬道士

將命祈靈嶽。廻策詣眞士。絕跡尋一徑。異香聞數里。分庭八桂樹。肅客兩童子。入室希把袖。登

牀願啓齒。誘我棄智訣。迨茲長生理。吸精返自然。鍊藥求不死。斯言眇霄漢。願余嬰紛滓。相去九牛毛。慚歎知何已。

杜甫（唐襄陽人。字子美。自號杜陵布衣。官左拾遺檢校工部員外郎。大歷中至湘客。

耒陽有望岳及麓山道林二寺詩）

望嶽

南岳配朱鳥。秩禮自百王。歛吸領地靈。鴻洞半炎方。邦家殷祀典。在德非馨香。巡狩何寂寥。有虞今則亡。洎吾隘世網。行邁越瀟湘。渴日絕壁出。漾舟清光旁。祝融五峯導。峯峯次低昂。紫蓋獨不朝。爭長業相望。恭聞魏夫人。羣仙挾翱翔。有時五峯氣。散落如飛霜。牽迫限修途。未暇杖崇岡。歸來覬命駕。沐浴休玉堂。三歎問府主。曷以贊我皇。牲璧忍衰俗。神其思降祥。

朱鳳行

君不見瀟湘之山。衡山高。山巔朱鳳聲嗷嗷。側身長願求其曹。翅垂口禁心甚勞。下瞰百鳥在羅網。黃雀最小猶難逃。願分竹實及螻蟻。盡使鷓鴣相怒號。

韓愈

愈（字退之。鄧州南陽人。官至吏部侍郎。封昌黎伯。諡文貞。元間。貶潮陽。後遇赦。自

柳至衡。欲謁南岳。值秋雨晦。暝默禱于神。是夜投宿僧寺。比曙。陰雲忽開。後人爲

建開雲樓。開雲堂。以紀其事。）

謁南嶽廟遂宿嶽寺題門樓

五嶽祭秩皆三公。四方環鎮嵩當中。火維地荒足妖怪。天假神柄專其雄。噴雲泄霧藏半腹。雖有絕頂誰能窮。我來正值秋雨節。陰氣晦昧無清風。潛心默禱若有應。豈非正直能感通。須臾淨掃衆峯出。仰見突兀撐晴空。紫蓋連延接天柱。石廩騰擲堆祝融。森然魄動下馬拜。松柏一徑趨靈宮。粉牆丹柱動光彩。鬼物圖畫填丹紅。升階僂僂薦脯酒。欲以菲薄明其衷。廟令老人識神意。睢盱偵伺能鞠躬。手持環珓道我擲。云此最吉餘難同。竄逐蠻荒幸不死。衣食纔足甘長終。王侯將相望久絕。神縱欲福難爲功。夜投佛寺上高閣。星月掩映雲朦朧。猿鳴鐘動不知曙。杲杲寒日生於東。

岫巖山

岫巖山尖神禹碑。字青石赤形模奇。科斗拳身薤葉披。鸞飄鳳泊拏虎螭。事嚴跡秘鬼莫窺。道人獨上遇見之。我來咨嗟涕漣洏。千搜萬索何處有。森森綠樹猿猱悲。

別盈上人

山僧愛山出無期。俗士牽俗來何時。祝融峯下一回首。卽是此生長別離。

劉禹錫（字夢得）中山人。唐時官至禮部尙書。初貶朗州司馬。作竹枝詞十餘篇。武陵夷

民悉歌之。嘗至長沙。遊岳麓有詩。且爲南岳知儼大師撰碑銘。

望衡山

東南地益卑。惟嶽資柱石。前當祝融居。上拂朱鳥翮。青冥結精氣。磅礴宣地脈。還聞膚寸陰。能致彌天澤。

柳宗元（字子厚。河東人。官禮部員外郎。謫授永州司馬。終柳州刺史。嘗撰南岳般舟彌陀大明諸禪師碑銘。并自書石。又撰雲峯和尚暨中院大律師塔銘。）

過衡山見新花開却寄弟

故國名園久別離。今朝楚樹發南枝。晴天歸去好相逐。正是峯前回雁時。

盧肇（唐宣州人。字子發。會昌中與黃頗同舉郡牧。獨餞頗。明年肇以狀元及第歸。郡牧迎接。因觀競渡。肇賦詩云。向道是龍人不信。果然奪得錦標歸。官歛甯池吉四州刺史。）

登祝融峯頂蘭若

衡峯重疊萬餘層。策杖攀枝步步登。行到月宮籬外寺。白雲相伴兩三層。

張喬（唐池州人。咸通進士。避黃巢之亂。隱居九華山。工詩。）

遊南嶽

入嶽仙境清。行盡復重行。若得閒無事。長來寄此生。澗松間易老。籠燭晚生明。一宿泉聲裏。思鄉夢不成。

釋齊己（甯鄉胡氏子。性耽吟咏。住麓山寺。所著有霏雪集白蓮集。）

上封寺

猿鳥共不到。我來身欲浮。四方皆碧落。絕頂上清秋。宇宙知何極。華夷見細流。壇西獨立久。白日轉神州。

劉摯（字莘老。東光人。嘉祐中擢甲科。官監察御史。疏劾王安石。謫衡州鹽倉。遊南岳。有詩及勝業寺御書閣記。）

福嚴寺呈諸禪老

眼熟林巒認舊緣。蒼鬢峯北入非煙。雲房直上三千丈。蠟屐重來十五年。山與坐能朝萬象。地靈深自接諸天。暫遊久住均如夢。社客何須約白蓮。

陳瓘（字瑩中。號了齋。沙縣人。元豐進士。爲左司諫。忤蔡京。除名。編官郴州。及京罷相。始東歸。過衡作詩刻石壽甯觀後。）

留題壽甯觀

閣前千頃碧琅玕。喬嶽蒼松苦歲寒。此是萬年峯上竹。何須更待雪中看。

黃庭堅（分甯人字魯進號涪翁又自稱山谷道人官至龍圖閣學士諡文節謫宜州時嘗遊衡嶽有詩禮三生塔刻石題名又嘗跋法輪寺古碑）

勝業寺悅亭 卽今祝聖寺

苦雨已解嚴。諸峯來獻狀。不見白頭禪。空倚紫藤杖。

離福嚴

山下三日晴。山上三日雨。不見祝融峯。還泝瀟湘去。

釋惠洪（字覺範江西筠溪石門寺僧工詩詞所著有石門文字禪及林間錄）

晚歸福嚴寺

淺抹濃堆翠却烟。老松無數更蒼然。石梯又入千峯去。時見樓臺夕照邊。

海上初還至南岳寄方廣首座

天風吹嘯落人間。白髮新從死地還。往事暗驚如昨夢。此生重復見名山。倦禪想見堆危坐。知法應拋放縱閒。初囑芳鮮動詩意。一篇先寄倩君刪。

胡寅（字明仲。安國從兄澹之子。累官禮部侍郎。徽猶閣直學士。會秦檜當國。乞致仕。歸隱衡山。學者稱致堂先生。）

遊上峯

祝融峯似在城天。萬古江山在目前。須信此心原不死。夜來明月又重圓。

范大成（字至能。號石湖。吳郡人。由進士官至參政。乾道間帥廣西。道出潭州。至南岳市。詳所著騁鸞錄。比返。乃登嶽有詩。）

步入衡山

應有人家住隔溪。綠陰庭午但聞雞。松根當路龍筋瘦。竹筍漫山鳳尾齊。墨染濃雲猶似瘴。絲來小雨不成泥。更無騎吹喧相逐。散誕閒身信馬蹄。

南台瑞應閣和韻

衡雨上山頭。臨行看山脚。松間一彈指。開此寶樓閣。草鞋方費錢。拂子不暇握。小僞出雷音。千古驚猿鶴。

張 栻（浚子。字敬夫。號南軒。蘇州人。官秘閣脩撰。湖南提刑。謚宣。乾道間。與朱子及林
擇之同遊南岳。）

訪鄴侯書堂

石壁巉岩徑已荒。人言相國舊書堂。臨機自古多遺恨。妙策當年取范陽。

中夜祝融觀月

披衣懷中夜。起步祝融巔。何許冰雪輪。皎皎飛上天。清光正在手。空明浩無邊。羣峯儼環列。玉
樹生瓊田。白雲起我旁。兩腋風翩翩。舉酒發浩歌。萬籟爲寂然。寄言平生友。誦我山中篇。

和元晦醉下祝融峯

雲氣飄飄御晚風。笑談噓吸滿心胸。須臾斂盡還空碧。露出天邊無數峯。

朱 熹（字元晦。號晦庵。宋婺源人。官至寶文閣待制。贈太師諡文。嘗監南嶽廟。）

方廣道中半嶺小憩次敬夫韻

不用洪崖遠拍肩。相將一笑俯寒烟。何來活計蓬蒿底。浪說江湖極目天。

登祝融峯

今年緣底事。浪走太無端。直以心期遠。非徒眼界寬。雲山于此盡。風袂不勝寒。孤鳥知人意。茫茫去不還。

林用中（字擇之。號東屏。宋福州古田人。學者稱艸堂先生。）

贈上封寺諸長老次韻

上封臺觀靜。夕霽景偏清。月下聞禪語。風中有磬聲。龍池留古蹟。雁塔寄餘情。借問房前樹。東窗忽偃生。

陳興義（字去非。號簡齋。洛陽人。紹興中。官至參知政事。）

衡岳道中

野客原耕嵩岳田。得遊衡岳是前緣。避兵徑度吾豈忍。欲雨還休神所憐。世亂不妨松偃蹇。村空更覺水潺湲。非無拄杖終傷老。負此名山四十年。

前題絕句

客子山行不覺風。龍吟虎嘯滿山松。綸巾一幅無人識。勝業寺門聽午鐘。

又

城中望衡山。浮雲作飛蓋。朅來巖谷遊。却在浮雲外。
危亭見上方。林壑帶斜陽。今日豈無恨。重來却味長。

劉克莊（字潛夫號後村莆田人淳祐進士官龍圖閣學士嘗監南嶽廟自奉祠還取少
作詩稿盡焚之僅存百首名爲衡岳舊稿）

蒙恩監南岳廟

久向餘姚乞退閒。今朝準敕放生還。人欺解罷青油幕。帝遣監臨紫蓋山。營卒展辭歸玉帳。林
僧稱賀到柴關。丈夫不解封侯事。猶要名標處士間。

勝業寺

寺創于何代。問僧皆不知。槎牙夏后柏。殘缺柳侯碑。雪過禪堂冷。冰餘嶽路危。上封猶未到。太
息負心期。

發嶽寺

嶽下無耆老。何從訪舊聞。不知紫巖墓。更隔幾重雲。
明仲竄蠻烟。欽夫棄妙年。空令後死者。有淚滴遺編。
昔者監香火。今焉裂芰荷。祝融應冷笑。還肯再來麼。

姜夔（字堯章。號白石。宋鄞陽布衣。工詩詞。兼精書法。嘗追述蚤歲漫遊湖湘所歷風景。爲昔遊詩十五首。有三首專紀嶽遊。）

昔遊詩

昔遊衡山下。看水入朱陵。半空掃積雪。萬萬玉花凝。或如生綃挂。或作薄霧橫。紛紛虎豹吼。往往蛟龍驚。人語不相聞。濺電漂風纓。有魚綠峭壁。上上終不停。此中有神物。雷雨周八紘。昔遊衡山上。未晚入幽谷。欲識所坐輿。橫板挂兩竹。狀如鞦韆垂。高下不傾覆。登山九千丈。中道多佛屋。一峯高一峯。峯峯秀林木。仰看同來客。木末見冠服。高堂石當路。尋常雲所宿。下方雷雨時。此上自晴旭。紫蓋何突兀。萬里在一目。餘峯六七十。僅如翠浪矗。北有懶殘岩。大石庇樵牧。下窺半崖花。杯盃琢紅玉。飛雲身畔過。攪之不盈掬。祝融最高絕。紫蓋不足錄。俯視同仰觀。蒼蒼萬形伏。惟餘岫螻峯。南眺半空綠。彷彿認瀟湘。向嶽流屈曲。高處驚我魂。翻思宅平陸。其東有甯穴。靈異謹勿觸。雲來絲世界。雲去一峯獨。僧窻或留罅。雲入不可逐。絕頂橫石渠。仙人有遺躅。山多金花草。夜半如列燭。靈藥不可尋。吁嗟歸太速。衡山爲真宮。道士飲我酒。共坐有何人。山中白衣叟。問叟家何在。近在山洞口。殷勤起見邀。徐步入林藪。雲深徑險黑。石亂湍水吼。尋源行漸遠。茅屋翦如帚。老烹茶味苦。野琢琴形醜。叟云司馬仙。學道此居久。屋東大盤石。碁畫今尙有。古木庇覆之。清泉石根走。因悲百年內。汲汲成白首。仙人固難值。隱者亦可偶。追維恍如夢。欲畫無好手。

真德秀（字希元。學者稱西山先生。浦城人。官至參知政事。資政殿學士。諡文忠。嘗爲湘南安撫使。知潭州。以廉仁公勤四字勵僚屬。以周程朱張學術淵源訓士。屢祈雨。衡嶽立應。）

登南岳山

烟霧本成癡。况復遊名山。舉手招白雲。欲納懷袖間。咄哉亦癡絕。有着卽名貪。振衣遇長風。浩浩天地寬。

陳田夫（字耕叟。號蒼野子。紹興中居衡山紫蓋峯九真洞老圃。往來七十二峯間。凡三十餘年。訪求前代異人高僧靈踪秘蹟。及所產珍禽異獸靈草奇花。纖悉無遺。編爲南岳總勝集。較唐李冲昭南岳小錄更爲詳備。後之脩岳志者。多據爲藍本。）

朱陵洞白雲堂

我愛瀟湘境。朱陵後洞天。白雲堂裏客。青草渡頭眠。小艇牽紅鯉。幽池種碧蓮。頗真堪此地。風月兩依然。

揭傒斯（字曼碩。元龍興富州人。官至侍講學士。知經筵。諡文安。嘗遊南嶽。有登祝融峯贈星上人詩。）

黃尊師高軒觀鵝因留宿

開軒南嶽下。世事未曾聞。落葉常疑雨。方池半是雲。偶尋騎鶴侶。來此看鵝羣。一夜潺湲裏。秋光得細分。

傳若金（元臨江人。一作新喻人。初字汝礪。後改與礪。少貧。織蓆爲生。又業鍼工。後乃激而讀書。工詩。有傳與礪集。）

回鴈峯

江山青峯宿雨開。江頭歸使日南來。登高欲訪平安字。二月衡陽鴈已回。

李東陽（字賓之。號西涯。茶陵人。官至文淵閣大學士。諡文正。有懷麓堂集。）

與錢太守諸公遊岳麓席上作

危峯高瞰楚江干。路在羊腸第幾盤。萬樹松杉三徑合。四山風雨一僧寒。平沙淺草連天遠。落日孤城隔水看。薊北湘南俱在眼。鷓鴣聲裏獨潑欄。

湛若水（字元明。號甘泉。增城人。官至吏禮兵三部尙書。諡文簡。承白沙之學。以隨處體認天理爲宗。晚遊衡山。築室紫雲峯之麓。與衡士講學。其中久乃歸。又十三年。年九十一。復來。棲遲數月。）

卜築

遙遙起天柱。巍巍南臺下。於茲結雲松。以下我精舍。芳隣接五峯。神明見中夜。諸子來端居。無玩亦無捨。

顯璘（字華玉。號南橋。上元人。宏治進士。官至尙書。以詩古文鳴。官湖廣巡撫時。常奉

令祀南岳。因覽其勝。）

祝融峯

雲爲衣履石爲梯。白日清虛步可躋。天近祗疑三界合。烟開渾見四方低。寒松揖雪懸前嶂。瀑水轟雷下別溪。早晚臺端捐珮去。誅茅來與道人棲。

鄒守益（字謙之。號東廓。江西安福人。官國子祭酒。師事王陽明。深契良知之旨。嘗講學石鼓。建書院於南台寺左。從游者衆。）

方廣寺

洞口歸雲隱薜蘿。坐臨飛瀑起高歌。蓮花峯下春如許。合與蓮坪寄一窩。

蔣信（字卿實。號道林。武陵人。嘉靖進士。官貴州按察司副使。引疾歸。築精舍于桃花岡。學徒雲集。湛若水兩至南岳。均與同遊唱和。）

方廣寺次東廓韻

鞭鶴同誰出。薜蘿石泉雲外和。予歌。太清清處堪同住。不用青錢買竹窩。

張居正（江陵人。字叔大。號太岳。明神宗時爲相十年。海內稱治。卒諡文忠。有遊岳前後

記及詩）

水簾洞

誤疑瀛海翻瓊浪。莫擬銀河倒碧流。自是湘妃深隱處。水晶簾挂五雲頭。

飛來船

石艦飛來幾閱年。半落不落雲中懸。何當掉向銀河去。直取支機下九天。

省心亭

卽今半山亭

碧落平分境。危亭駕泐澗。未窮天路盡。已覺世塵遙。雲海翻銀浪。風篁聽玉簫。九關知不遠。霞起祝融標。

暮投方廣寺次念庵韻

白雲處處滿。行子暮何棲。不辨幽林色。惟聞歸鳥啼。虛岩應靈籟。人語隔前溪。夜宿莊嚴境。明珠照客迷。

蔡汝楠（字子木。號白石。德清人。年十八。成進士。嘗爲衡州知府。講良知之學。郡人于其去爲立白石書院以祀之。）

再遊南岳

爲耽名嶽赴炎荒。更問禪宗歷上方。祇爲新秋餘伏暑。不知初地條清涼。南巖久廢傳燈室。諸寺空開說法堂。但對寒山證空寂。何勞半偈使心降。

劉堯誨（字君納。號凝齋。臨武人。官至兩廣總督。歸結廬南岳之陽。日以養心繕性爲事。）

登岳喜晴

連日陰飈阻客船。登臨晴宇忽熙然。行來歲月無機事。到處山靈有夙緣。萬壑西風疏草木。五峯秋色澹湖天。明農自分歸來晚。恥向山中問薄田。

趙貞吉（字恆之。號大洲。內江人。官至大學士。謚文肅。嘉靖中以廷諍忤旨。幾死。杖下。謫典史。寓益陽。曾遊南岳。）

別方廣寺

偶來何見去何聞。耳畔清泉眼畔雲。山色有情能戀客。竹旁將別却憐君。瘦筇又逐孤鴻遠。浪

跡還如落葉紛。塵土無心留姓字。碧紗休護壁間文。

劉 穉（字朝重。號仁山。鄞人。嘉靖進士。官至南京太僕寺卿。告歸後。講學衡山。晚更築室。廂雁峯麓。爲龍厓書院。自號龍厓山樵。）

方廣謁二賢祠次念庵韻

清晨度翠微。傍晚叩禪扉。月上蓮花頂。雲侵薜荔衣。古祠荒艸合。高樹暮禽歸。爲憶經行處。紛然歧路非。

伍 讓（字子謙。號益齋。衡山人。萬歷進士。官刑部員外郎。終江西按察副使。嘗徧遊七十二峯。各以詩紀其勝。）

祝融觀日

策杖臨丹巖。捫參出半空。露凝仙掌白。霞泛海門紅。秋色三山外。陽暉萬島中。應須擎紫蓋。飛向若華東。

釋德清（字慈山。自號匡山逸叟。萬歷間國師。被讖。戍電白。已而赦還。寓衡之東湖寺。隨處說法。題詠甚多。所著有夢遊集及老子莊子註解。）

別南岳山人鄒慕一詩

我從曹溪來，擬向山中老。山靈不我欺，滿目雲霞好。歷覽古道場，金沙墮叢篠。嬾殘煨芋處，幽蹤莫可考。遙想磨磚師，成佛苦不早。獅子窟中王，誰能犯牙爪。法雨久不潤，靈苗竟枯槁。嗟我來何遲，臨風增懊惱。幸遇滄叟人，相期出三島。欲與坐深巖，玄言窮要眇。愛此高尙心，真能謝紛擾。蓮花絕頂開，又取東歸道。良以天屬情，日久縈懷抱。今暫辭雲山，此心終未了。我登江上舟，轉憶山中豹。因思李鄴侯，君閒恐不保。但留窗前雲，待我歸來掃。

曾鳳儀（字舜卿，號金簡，束陽人。萬歷進士，官禮部郎中。致仕後，殫精內典，著有楞嚴楞伽金剛諸經宗通行世。）

入方廣閱藏

獨上招提靜掩扉，青蓮朵朵漾晴輝。齋分香積和雲供，步引金繩夾日飛。澗水時清居士耳，谿霞巧映定僧衣。少林傳得空王印，印著空山第一機。

羅洪先（字達夫，號念庵，吉水人。嘉靖己丑一甲進士第一人。官贊善，以諫罷。歸隱石蓮洞，心體瑩徹，遇事多能前知。嘗芒屨千里遊南岳，與高台寺僧楚石爲方外交。偶取松插寺後石壁上，歲久蒼鬱，蟠屈人呼念庵松。）

登南臺

高尋上界步虛壇，路入南臺鐘磬寒。莫便與僧談去住，萬松深處且憑欄。

嶽山雜詠

山人少小住蓬萊。石廩青精手自栽。一自朱陵朝帝後。袖中金鑰不曾開。

譚元春（字友夏）竟陵人。萬曆解元。以詩著。嘗與湘潭周聖楷遊南岳。盤桓久之。題詩甚多。有岳首集岳歸集。

嶽路

冥然遠近不知分。消盡閒遊舊見聞。鶯外松聲有時點。鹿邊花氣自相薰。田高野路過蒼水。岳露旁峯出白雲。漸覺驅車人物外。世間亭午卽斜曛。

釋濟濤（明時人）有遊藏經殿詩。見南岳志。今依寺僧舊鈔本訂正。

遊藏經殿

西嶺之南南山末。直上一峯最靈廓。迅雷纔起太虛中。屏翳驅雲已先落。松風六月送清涼。地氣陰深寒浸脚。嘉靖初年善男趙。劈開嶺腹構一閣。靈文寶偈布琅函。黃金佛像垂纓絡。老僧念佛記豆兒。不思善兮不思惡。住去心忘渾太虛。山鬼天魔難摸索。惆悵我來何太遲。不得遭師解粘縛。今日登臨心愴然。六朝松上巢孤鶴。

王介之（字石子）衡陽人。崇禎舉人。張獻忠陷衡州。與弟夫之匿南岳蓮花峯下。國變後

貞隱不出。鰥居不娶。鶉衣草食終身。

洗衲池

樹靜影初合。泉高水自縈。寒花凝白乳。落葉隱流聲。苔影百年寺。霜寒一澗情。遙知洗衲意。一聲出林清。

王夫之（字而農。一字薑齋。衡陽人。嘗撰蓮峯志。又有岳餘集。凡癸未。匿岳甲申。重遊諸詩彙爲一卷。學者稱船山先生。遺書百餘種。已刻者八十八種。）

湧几

曠古登應少。間之石不知。此山初得主。千嶽覺增奇。葉動鳴泉處。橋寒亭午時。有來爭勝槩。切莫突西施。

重過蓮花峯爲夏叔直讀書處

山陽吹簫不成音。淒斷登臨舊碧岑。雲積步廊春袖濕。燈寒殘酒夜鐘深。河山撼折延陵劍。風雨長迷海上琴。聞道九峯通赤帝。松杉鶴羽待招尋。

戀響台

平接上峯去。忽從林莽顛。奇情供一逕。併送此中來。
錢邦芭（字開少。丹徒人。事跡詳故事欄）

登南岳頂

捫參歷井討幽奇。玉牒丹書似可追。日月發英恆沐浴。峒巒遺篆半離披。西瞻雲夢吞三峽。東指蒼梧壓九疑。猶喜南山未封禪。百王空豎岱宗碑。
陶汝蕭（字仲調。號密庵。甯鄉人）

衡岳道中用韻寫懷

曉霧濛濛一氣橫。廿年全負看山情。高靈屋裏曾煨芋。縹緲峯頭好次笙。霜信竟無蘇武雁。雪衣疑是上皇鸚。衝煙短策游何暮。期與伊人采杜蘅。
郭都賢（字天門。號蘭庵。益陽人）

遊方廣

見所見而去。問余何太忙。度雲聞石語。吸露帶甌香。納洗靈泉水。灰飛古道場。蓮花從火現。佛法會重光。

洗納池

萬壑千峯翠靄遮。上方旁擁碧蓮花。塵夫不解無生法。洗衲池邊自喫茶。

黃周星（字景虞。一字九烟。湘潭人。爲上元黃氏所養。遂冒其姓。崇禎進士。除戶部給事。不就明亡。變姓名曰黃人。字略似。號半非。布衣素冠。寒暑不易。念念不忘故國。年七十自撰墓志銘。醉沈湖州南潯河而死。與陶密庵善。所著有芻狗齋集。

丹霞寺

只從天半領精神。自古名山亦待人。五岳今纔遊一角。百年吾已歷三旬。收回南北東西眼。閱盡羲農虞夏春。他日山僧應問訊。谿光雲響記閒身。

釋破門（事跡詳故事欄）

南岳雜詠

踏盡雲根問路忙。春風陣陣野花香。無心石上觀流水。不覺穿雲到草堂。此地多奇不問年。石生雲霧樹生烟。周圍樓閣松兼竹。一帶青山畫裏天。

潘耒（字次耕。一字稼堂。吳江人。官檢討。充日講起居注官。母憂歸。遂不復出。遍遊天下名山。康熙己卯正月。冒雪遊南岳。歷覽諸名勝。凡十日始畢。有遊南岳記及紀遊詩。

上封寺對雪

名藍高踞祝融巔。檻外峯巒擁百千。一雪幻成銀世界。孤筇直到玉樓天。下方隔絕忘何代。佛日清幽似少年。此境祇應仙獨領。客來分取是奇緣。

陳鵬年（湘潭人。字北溟。別號滄洲。康熙進士。累擢江甯知府。以清廉著。官至河道總督。卒諡恪勤。有道榮堂文集。唱月詞滄洲近詩。

兜率庵和韻

纔下深溪復絕頂。上天下天與雲等。路旁別有兜率天。泉聲樹色蒼巖邊。我與白雲兩無礙。雲去山青我自任。

觀音巖

泉氣濕如雲。青苔自應長。何處住山人。晒藥青巖上。

錢 澧（字東注。號南園。雲南昆明人。乾隆進士。官御史。疏劾權奸和珅。直聲震天下。書畫爲世所寶。視學湖南時。嘗至南岳。

宿衡山祝聖寺

齋心已昨日。捨舟借輿馬。敬禮祝融君。地主館先假。春霖初得霽。峯日不嫌寡。徑水亂終橫。喧
庭各就下。遙瞻祝聖寺。新苔上古瓦。森然引路松。識我舊來者。秀公塵乍拂。福公袖乍把。未脫

文字綠。揮墨漫一灑。竹風傍枕鳴。桂露低檐瀉。淨境不常住。含情坐燈地。

張九鉞（字度西號紫峴湘潭人歷官南豐南昌始興保昌海陽等縣知縣。日夕講求農田水利學校荒政。民懷其惠。晚年主講湘潭書院。其詩爲乾隆朝一大宗。著有陶

園詩文集。歷代詩話。）

舟行嶽中望霽雪四首 錄二

玉龍夜戰湘波空。七星朱鳥喙不紅。曉來連蜷逞變怪。都化貝闕銀屏風。鄴侯當年讀書處。一萬水晶簾挂住。白衣山人不再歸。愁煞爐中懶殘芋。

南天門高冰崔巍。雲梯鐵索凍不開。燭龍銜珠挂曉日。五色金碧何雄哉。將尋祝融舊游躅。望而不見倪心目。瓔珞街前綠久空。慚煞上封一尊宿。

鄧顯鶴（字子立號湘皋。新化人。嘉慶舉人。官寧鄉訓導。以保存鄉邦文獻爲己任。著有沅湘耆舊集。南村艸堂詩文鈔。增輯楚寶諸書。并校刊周子全書。船山遺書。）

下山

上嶺嫌庵僻。下山覺路非。僧從烟際出。人自嶽陰歸。風急樹多瘦。雲深石欲飛。回頭增眷眷。何許借禪扉。

彭玉麟（字雪琴。自號退省庵主人。衡陽人。咸豐間督水師與洪楊軍戰。連克長江各省。

功甚偉。官至兵部尙書。卒諡剛直。

擲鉢峯頂看臥松

我來鉢頂住遊踪。峯上雲封有臥松。寄語山僧須子細。防他雷雨起眠龍。

遊南岳

踏殘七十二峯巔。信與山靈大有緣。海日臺高鎔赤冶。禹碑篆古起蒼烟。宵听寒暖剛三月。上下陰晴有二天。瑤草琪花春爛熳。山居卽此是神仙。

吳敏樹（巴陵人。字本深。號南屏。道光舉人。官瀏陽訓導。工古文。有梓湖文集。）

上封寺遇雨

老病攜筇更陟峯。兜輿行處戰天風。上封雨在千山外。大地雲迷一氣中。食芋已知生事了。探碑久恨古書空。甘泉九十猶來此。信是人間矍鑠翁。

郭嵩燾（湘陰人。字伯深。號筠仙。道光進士。官至兵部左侍郎。充出使英法大臣。三年乞休歸。更號玉池老人。築室曰養知書屋。）

山行雜詠

勝地黃庭觀。昇仙萬古壇。松杉晴似雨。巖壑晝常寒。宿藥留風竈。飛泉挂石欄。高台紛落葉。斜日白漫漫。
三百棲禪寺。雲山勝業開。樓臺天影過。橘柚雨聲來。汲水泉鳴澗。烹茶雪滿壘。叢林無半畝。欵側坐莓苔。
聞道秦時樹。多生巖石間。我來尋檜柏。遺恨滿雲山。寂歷疏林晚。坡陀積石頑。終存太古意。白日照蒼顏。
到處題名石。嗒呀似斷碑。發臨前代跡。寥落幾人知。霧雨蒼巖冷。林泉皓首期。遺文傳岫屢。指點至今疑。

魏源（邵陽人。字默深。道光進士。官高郵州。以著述名天下。與仁和龔自珍并稱龔魏。有詩古微。書古微。聖武記。海國圖志。古微堂文集。）

遊衡岳

遠水微茫轉。前山次第卑。祝融雲合處。湘口月生時。我訪竹林寺。竟無樵客知。四山濤響合。不獨瀑紳垂。
不知峯寺近。但覺遠村低。日暮月初出。烟寒雁未歸。天聲臨岳遠。塵夢入山稀。欲辨漁樵事。雲深無是非。

黃本驥（字虎癡。寧鄉人。道光舉人。官黔陽教諭。工詩古文。所著有長物齋叢書。與其

兄本騏登南嶽有遊記及詩數十首。

發嶽紀勝和韻

進道坡

進道勿太勇。千丈妨一落。青天上未難。來人穩著脚。

絡絲潭

雲潭繞壽嶽。一絲流沄沄。欲藉九張機。遍絡山中雲。

玉版橋

橫鎖壽溪流。嶽靈橋亦怪。片玉枕秋雲。渡我入圖畫。

半山亭

星辰高欲捫。雲海低可看。努力上天關。到此途才半。

觀音崖南向松

絕頂多勁氣。讓北不敢向。移根到人間。孫枝定千丈。

上封寺

登天石磴高。到門松樹矮。我亦行脚僧。放下擔雲拐。

望日臺

晨鐘猶未撞。海日已騰射。寄語邯鄲人。此際非長夜。

捨身崖

平生七尺軀。甘居國士下。移此投崖心。請臨大節捨。

羅澤南（字仲岳。號羅山。湘鄉人。授徒鄉里。究心經世學。咸同軍興。率湘勇轉戰湘贛鄂。各省累功擢浙江寧紹台道。未就。戰死洪山。追贈巡撫。謚忠節。有羅羅山全集。

遊方廣

蓮花簇簇擁龍湫。澗水琤琮漱石頭。登岳從知天下小。臨風會記古人遊。名山論道朱徵國。駿馬籌邊李鄴侯。惟祝長江烽火靖。殘書一卷著丹邱。

李元度（平江人。字次青。自號天岳山樵。道光舉人。官終貴州布政使。有國朝光正事略。及南岳志等書。于光緒中葉築朱陵精舍于紫蓋峯下。左爲前獻祠。祀前賢之有。

關於嶽者。右爲監嶽祠。祀宋賢曾。膺監廟職銜者共百一十人。

九仙觀

紫蓋峯頭盡。靈壇鎖薜蘿。林飛念佛鳥。池浴換經鵝。仙去不復返。余懷渺若何。人間可哀曲。遙和武夷歌。

王闓運（湘潭人。字壬秋。一字壬父。晚號湘綺老人。文章經術。卓然名家。所著有湘軍志。湘綺樓詩文集。經子諸注。凡數十種。）

方廣寺至黑沙潭作

屈曲五峯間。盤桓一徑通。出入迷往來。翠壁羅蒙茸。條鮮萬古綠。安知夏與冬。峽谿惟一源。灘瀑百不窮。琪花潤鮮芳。仙藥秀青紅。樵童不解采。覆蔭三潭龍。蕭深十里寒。荒翳千年蹤。寄言青雲客。翔棲誰與同。

天柱道中

林田萬綠侵。暑日自然陰。古道沿溪曲。幽厓見屋深。南臺迷石記。西澗踏雷音。薄暮空潭黑。曾來冒雨尋。

皮錫瑞（字鹿門。善化人。湛深經術。治今文學。爲清季大師。有師伏堂叢書。）

道鄉台

（按鄒道鄉先生名浩字志完常州晉陵人當宋哲宗朝官右正言以疏劾章惇及爭立后事削官羈管新州南遷過潭州爲州吏所逼投岳麓寺寺僧列炬迎之後張栻知潭州建台以表之朱子書道鄉台三字於碑當時士尙氣節元兵陷潭州岳麓書院諸生死難者百餘人）

黯淡瑤台月孤臣叩帝關激昂良友誼遷謫故君恩一疏奸人僞千秋直道存登臺雲蔽日不見汴都門。

譚嗣同（字復生號壯飛瀏陽人繼洵子能文章好任俠善劍術自甲午戰事後發憤提倡新學戊戌變法爲軍機章京參與新政見殺於西太后遺著有譚瀏陽全書）

登祝融峯

身高殊不覺四顧乃無峰。但有浮雲度。時時一盪胸。地沈星盡沒。天躍日初鎔。半勺洞庭水。秋寒欲起龍。

白帝高尋後。三年得此遊。芒鞋能幾兩。踏破萬山秋。獨立乾坤迴。坐觀江海流。朱陵有遺洞。懷古一搜求。

釋敬安（湘潭人字寄禪因脩苦行燃去二指自號八指頭陀嘗爲南岳上封寺方丈。初未讀書忽能詩有唐人風味著有八指頭陀詩集）

禮思大禪師三生塔

至人久埋照。靈關復誰叩。玄風扇區宇。神塔祕巖藪。白骨何足云。所貴道不朽。三生寧爾始。千歲豈余後。借問幻化人。知有眞實否。

過廣濟寺

廣濟宜禪悅。幽深罷送迎。雲連虞帝廟。山削禹王城。古木無樵採。荒溪有鹿行。巖僧長避客。不問野人名。

磨鏡臺禮大慧師塔

尋幽不憚遠。陟險趣彌深。峨峨丹鳳岡。鬱鬱青松林。誰謂導師逝。林木演圓音。鞭車喻與義。磨鏡垂良箴。我來肅瞻禮。法雲鶴餘陰。繞壇周三匝。憩樹披重襟。境寂神來舍。慮息理自臨。終期滅聞見。結宇棲青岑。

南臺寺避暑

賃簷萬個森禪房。田衣不脫心清涼。山鳥一聲新睡起。綠茵滿地藤花香。

謁黃庭觀

偶乘獨往意。來謁魏元君。谷暗松杉合。天清鸞鶴聞。靈芝含秀色。仙石繡苔紋。坐久諸緣息。晴

空生片雲。

高臺寺觀念庵松

高臺寒雪曉相過。愛看松枝挂碧蘿。珍重枯禪勤護惜。念庵手植已無多。

在昔中原人士。率以衡岳地居僻遠。山路崎嶇。遊踪罕至。謝康樂李太白以一生好遊名山。自詡皆未嘗涉足衡山。杜少陵柳河東行經山下。且不獲遂登臨之願。昌黎謂廟僅至山麓。涖翁阻雨福嚴。不見祝融而返。劉夢得謫居湖南。王陽明屢經湘上。俱惟徜徉岳麓峯巔。其自恨生平不克一遊。如陳白沙之寤寐不忘形。諸詠歌者。尤難僕指數。好事者或戲爲李白遊方廣寺。韓愈遊祝融峯及望日臺。黃庭堅登祝融峯諸詩。以張之南岳志不加辨正。採充篇幅。并載巖下一老人四五少年讚。指爲謝康樂紀遊之作。錫巖洞遊記且謂見之洞中石壁。又王勃尋道觀。劉長卿石圍峯。杜甫訪已上人茅齋。祠南夕望。沈佺期岳館。楊巨源清涼寺。文天祥台江樓諸詩。其地俱不在衡岳。乃亦摭入志中。白樂天在杭州與烏窠禪師參禪。在洛從佛光大師游五燈會元。具詳其事。志稱南岳永明寺下一里許。有講經台及講書室。爲樂天烏窠當日參禪處。又言樂天嘗遊橫龍寺。爲佛光題詩。有問師寶額因何立。笑指橫溪有臥龍之句。宋廖僊橫龍寺記并敘及之。一統志亦云南岳有白香山講書堂遺址。輾轉相傳。其來已久。此詩爲白氏長慶集所無。且亦不類樂天生平之作。攷其年譜。固始終未一至衡山也。又岳志及明弘治衡山縣志。載佛印題上封寺

云。秋高氣怒上封寺。碧落浮雲放欲收。萬頃蒼波澄玉鑑。一輪紅日滾金毬。遠看西北幾千里。近視東南數百州。好景一時觀不盡。天生有分再來遊。其後五句與民間傳誦之清高宗詩全同。清高宗未嘗至湖南。夫人而知之。而佛印曾否來遊亦難徵實。附會離奇。類此者尙多。幾於不可究詰。點綴湖山。何賴有此。今者輪舶交通。道途廣拓。登高如履平地。萬里有若戶庭。行見中外文人聯翩至此。快豁吟眸。戛玉敲金。必且邁軼前代。茲輯古今體詩凡百一十一首。聊當引鳴。作者生平類皆足爲吾儕矜式。如嚴嵩輩雖工不錄。蓋竊附古人詩教之遺旨。儻不爲大雅所訶也。癸酉七夕無諍居士識。

游

記

遊記

嶽景鱗爪

摘錄前代名人遊記

常州張脩府大史於清同治間爲長沙郡守。嘗至南嶽。其游記有云。前後七日。經行二百餘里。嶽中名勝已得十之四五。追數生平遊蹟。豔冶如西湖。幽邃如七里瀧。奇秀如黃山。白嶽。雄厚古勁如桃源及谿州諸山。惟南嶽無所不備。每至佳處。輒留連不忍去。夫山高則擅仰觀俯察之勝。地廣則具邱壑泉石之美。今南嶽之高且廣。在大江以南。諸山無與倫比。宜乎備具諸勝。其言固非阿好也。然惟高廣。故一人足跡罕能遍歷。旣徧歷矣。而四時之景不同。朝夕之情亦異。風雲雪月。狀態萬千。更難盡挹其美。是以歷來遊者所見各殊。而皆不過於其變化中。略窺一豹而已。或以數日攀躋。遂詡爲已盡南嶽之勝者。試取嶽志所載前人遊記。一一讀之。當亦恍然自失。且益信南嶽景物尙多有未經道破者。方大有待於後人之探求也。茲分設觀日。望月。雲海。雪景。林泉。瀑布。六目。摘錄前人遊記中之最饒興趣者以實之。用備遊者之參攷。觀日。黎明被貉裘登望日台。觀日出。如火輪湧起水底。遲回搖曳。漸上高漢。奇莫能狀。

明願璘游衡嶽記

晨登上封觀海日初出金光燦燦。若丹鼎之方開。少焉紅輪湧於海底。火珠躍於紅爐。旋盤旋。蒼茫雲水之間。徘徊一刻許。乃掣浮埃而上。明張居正遊南嶽前記。

一線霞裂作金黃色。由南亘北直視萬里。少時漸鉅。絳爲五色。正東赤豔尤鮮。更待之一輪。血紫從層雲底奮湧而起。光華萬道。圍繞炫耀。大地豁朗。心目俱爽。明徐學謨遊南嶽記。

久之東方始作。初僅一痕。白者漸高。漸淡。則黃繼之。黃者漸高。則紅繼之。紅者既高。則紅盡處又漸淡而爲白。白則又黃。黃則又紅。如是者又久之。乃吐一線於蒼茫間。倏而半規。倏而全輪。紫燕支頰玉盤。不足以喻其色也。明黃周星衡岳遊記。

披衣趨至望日亭。羣峯迤至。萬壑齊開。芥子紅光。條徧須彌。有赤如輪。中分天地。丹霞幻色。璀璨奪目。回首西眺。月色猶相望也。清金之俊遊南嶽記。

忽東方紅光璀璨。疑女媧當日將丹砂鍊就。補綴而然。日故遲遲而出。令觀者或疑或怪。少焉紅輪一綫。碾出扶桑。徘徊蕩漾。若金在浴。又如異域獻琛。一時捧出火珠。奇情幻態。令人莫可名狀也。郭開秀遊岳記。

步望日台。漫天皆雲。如龍拏虎攫。馬驟舟行。山赭崖赤。樹蓓花明。樓閣盤鬱。庭實雜陳。瑰璋誦怪。倏忽異形。正東雲赤尤濃。爲日出嚮道。久之日乃若吞若吐。太息而上。又如趙平原君捧銅盤歃血。第未識捧日人能與予作方外盟否。彭士商祝融望日記。

望月 夕陽歸盡。明星漸晃。凝眸東望。忽有光如絲。起自地中。須臾光彌四野。如登岳陽望。

洞庭。俄又如泛錢塘觀海潮。莫可名狀。而皓魄升矣。目隨月上。浩然萬里。舉七十二峯峯峯貯冰壺中。始信下方無此月也。（清金之俊遊南嶽記）

坐寺門待月出。視屋上星辰。殊不類平時所見。大者或如杯盃。光四射。若可捫而摘也。涼風颯颯作聲。若九秋然。瞥見遠山火發。方錯愕諦視。漸大。始悟爲月。大如車輪。紅如落日。奇觀也。

（清郭開秀遊嶽記）

雲海。晴漾其裏。雲縫其外。上如海。下如天。幻冥一色。心目無主。覺萬丈之下。漠漠送聲。極

意形狀之轉。不似譚子願周子語。奇光難再得。願堅坐以待其定。久之雲動。有頃。後雲追前。雲不及。遂失隊。萬雲乘其罅。遶山左飛。飛盡日現。天地定位。下界山爭以青翠供奉。四峯皆莫能自起。遠湖近江皆作一縷白。（明譚元春遊南嶽記）

登峯頂則雲氣旋繞。下臨無際。東顧天宇。明淨如洗。西面白雲彌空。山下雲氣漸起。相接。須臾徧滿上下。長風鼓煽。如濤雪亂涌。由西而東。少焉東方亦彌漫如銀海。六宇一色。天風浩浩。若身躡虛空。不見塵界。予恍惚不能言。須臾雲漸收。衆雲奔逐。四去。殘陽遙映。餘霞弄采。紫翠萬狀。（明錢邦芭遊南嶽記）

白雲庵。虛舒卷不徑。倏忽萬變。雲有孤飛者。羣遊者。旁午相觸者。前後相逐者。有滄滄四起。忽復回互者。少焉衆雲烏合。直來逼人。余輩急起。欲逼無地。頃刻匝匝。並在白光封裹中。（明黃周星衡嶽遊記）

至峯頂時。雲絮四塞。白日暉其外。一氣氤氳浮動。如混沌未分時。（明黃周星衡嶽遊記）

雲瀾於山腰。凝而不流。無遠近皆作一片白。日光在上映之。鄰鄰瀉瀉。遙峯如鳥雁出沒。渺然洞庭萬頃。(明黃周星衡嶽遊記)

是夜宿九真觀。聽老道士話遊嶽之勝。以望雲爲最。陰雨將作。祝融峯頂濃雲一縷。隨風散布。填滿羣峯。如堆絮如湧濤。變幻不測。或如一二巨艦泛大海中。蓋紫蓋諸峯浮沈雲面也。扶笻獨立。忽入雲中。忽出雲上。幾忘身在人間世矣。(清黃本驥遊嶽記)

四顧足下。惟見混茫一白。間出艷艷。或時霍霍。以作海波舒卷之狀。有聲自其中來。碎隱湧湧。如風水衝擊。然遂疑其下皆洪濤巨浸也。峯前惟見光天壇。壇後一塔巖然。俄其西雲氣中。出見一峯頂圓如笠。又南亦數峯出。上承祝融。作城郭狀。其東一雲漸興。覆之微風。東北來足下雲皆冉冉作麴塵。上著人面。其光眴目。光天壇亦漸不復見。(王拯遊衡山記)

雲至寺忽劃然而斷。峯巖挺現。雲中如螺如髻如大海孤島。絕無依傍。風動雲舞。山嶽俱搖。令人眩悸。不能自持。(羅澤南遊南嶽記)

方凝睇間。則林莽分涌。澗谷驟失。波濤重疊。勢與胸平。山或出一角。露一脊。如水中奇獸騰躍。狀隱隱可辨。所坐石若動搖。作泛舟狀。予語秩林曰。此雲海也。已而奇處漸平。忽有隨風飛旋。如蓋著人頭上。復四垂而下。爲一片白地。光明疑天在履。鳥間直不知若何變幻也。(黃爵滋登祝融峯記)

曉起陟望日臺。趺坐久之。俯視東極紅雲一縷。似作捧日狀。不半晷。雲氣瀾漫。釀成大海。橫風吹來。一白無際。初猶片片紙素。以次加疊。蓬勃擬釜上蒸。一瞬間。布滿山腰。似絮猶輕。似綿

又重。因風徒蕩。莽從頭上飛過。又旋擁脚底。稍定。則一片汪洋。波濤平靜。不知身之在霄漢也。直覺乘仙槎。泛大海中。四望蓬萊。方壺圓嶠。莫辨所向。胸次固冷然。羣峯羃雲下。若紫蓋芙蓉。天柱岫嶼。崇俯不一。致彌望之。如砥平。似可駕一葉輕風。徑行飛渡。計日高當數丈。雲猶冉冉。橫被忽風。從西南來。劈雲痕一綫。烏輪閃爍。照耀山城。湘浦行舟。近在履鳥下。山光水光。日光雲光。金碧交映。上下一色。乃方凝注。而雲合焉。則又似海市蜃樓。彈指一現。令人心目頓炫。且顧且行。撥雲尋來徑。抵寺門。襟履盡濕。歸坐禪榻。雲往來牕牖間。如織几席。并成滉漾之區。飯定。雲始散。李郁祝融峯觀雲海記。

雪景

出高臺寺。卽行古木寒籐中。陰崖積雪。厚幾數尺。望石廩如素錦屏。日下照林間。冰墮鏘然有聲。雲陰騁起。飛霞交集。頃之乃止。宋張栻遊南嶽唱酬序。

徐出寺門眺望。千峯萬嶺。一白無際。深溝大壑。處處平填。枯樹變作瓊林。荒榛化爲瑤草。午後日光燭之。晶瑩灼爍。不可名狀。清潘來遊南嶽記。

至祝融絕頂。憩司天王廟。俯視下方。大地山河。融成一色。七十二峯。縱橫高下。若瓊臺瑤島。出沒於白銀濤浪之間。昔詩人王冕大雪中赤脚上會稽山頂。瞪目叫絕。謂世界一白玉合成。此峯高於會稽十倍。故當勝之耳。清潘來遊南嶽記。

下峯至南天門。折入西北谷中。磴道停雪四五尺。幸凍不解。尙可踐之行。而巖壑益靜深。林木益茂密。怪石兀立道旁。雪裹之。輪困擁腫。樹枝四面粘雪。大皆合圍。或蹲或側。望之如猛獸。奇鬼。巨竹爲雪壓。梢皆倒垂。下屬於地。如釣竿。然皆平生所未見者。清潘來遊南嶽記。

與陳吳二子次敘道中所見。蒼龍皓首聳立雲中者爲雪峯。切玉一片瑩潔無瑕者爲雪坡。淺深明晦互相烘襯者爲雪壑。弓彎鱗次高高下下者爲雪田。疏密欹斜若隱若見者爲雪崖。重圭累壁直上梯空者爲雪磴。肥不掩骨瘦或露峯者爲雪石。素頂輕勻冰柯緘結者爲雪樹。鳳尾倒垂欲起未起者爲雪竹。豐條扶疏勁節挺出者爲雪草。聽之有聲尋之無跡者爲雪澗。鑿凍而汲冽然清甘者爲雪泉。擬作十二雪詩未暇也。（清潘來南嶽遊記）

林泉

方廣在蓮花峯下。四山重裹如瓣而寺居其中。是多響泉。擊激數里。大如轟雷。細如鳴絃。幽草珍卉夾徑窈窕。錦石斑駁。照爛丹青。蓋衡山之勝。高稱祝融。奇言方廣。然澗道險絕。巖壑幽邃。人罕至焉。（明張居正遊南岳前記）

沙邊有石。石隙有泉。泉旁有壑。壑下復有奔響。響上有樹。樹間有花。草青紅光。光中又有飛流。雜波急處有橋。橋上下皆有陰。陰內外有幽鳥啼。水可見則水響。不見水則汨汨草樹響。萬松茂一山則山暗。一山或未能叢。則兩山映之使暗。崖石森沈。多如幽齋結構。至方水蒲溪。毛宛如盆。秀步步懷新。度三十餘里。聲影光三絕。惟至半道。緩行蔽翳間。左右條葉隨目俱深。表裏洞密有心斯肅。（方廣道中明譚元春遊記）

須彌而上。嶺益峻。泉益駛。石益槎牙。詭怪萬狀。水蒲石竹叢生涯際。青翠逼人。時天氣尙寒。山桃半吐。間以白梅。恍異人境。幾數十里。躋危躡險。殊不自覺。（明張元扈遊南嶽記）

細觀山勢。三支齊落。中皆石澗。諸小水奔匯。山行十里之上。泉流漸急。草石竹樹之間。無不泉者。或隱或現。或鉅或細。或浸草間。漫道上。或涌石隙。穿竹樹林。莽乍合。乍分。不可名定。匯於

大澗。澗中怪石牙互林立。驚濤斜衝。怒波石跳。擲雪飛花。行者時見時沒。高下望之。狀亦屢遷。至玉版橋。則樹陰泉合。足娛人懷。（由岳市至半山亭道中）

由中山至九龍。千溪亂聲。萬石疊岫。深林修竹。怪樹飛瀑。隱天阻日。蒙霧塞煙。最爲幽麗。（明徐學謨遊南嶽記）

余輩拾級而登。幽草野花。秋色堪把。稍前遇石磴。磴本一片石。人遶而磴之。旁有人新題曰。雲梯不知何義。過磴始聞潺湲聲。自遠而近。砰砢如奔雷。下矚深間中。若斷若聯。如曳練如懸。箔者。絡絲潭水也。（明黃周星衡山遊記）

又有一試心石。石有松四五株。蒼如虬龍。聞此山絕少松。而此獨穴石而生。不倚寸土。亦一奇也。（清金之俊遊南岳記）

瀑布 從廟側東轉十餘里。得朱陵洞。云是朱陵大帝之所居。瀑泉灑落。水簾數疊。掛于雲際。垂于貫珠。霏如削玉。飛花散雪。綵灑衣襟。巖畔有冲退石。大可徑丈。（明張居正遊南岳前記）

再往水簾洞。越陌路澗。澗中亂石流影。閑花開散。舉頭見山巖間。忽忽搖白光者。水簾也。水傾如簾。霜雪同根。（明譚元春遊南嶽記）

峻壁高可百尺。水經之。故曰簾瀉珠。濺玉。真有銀河九天之想。欹生巖上。毛髮泚泚。魂骨俱清。（明黃周星衡嶽遊記）

自楓木橋而上。隴畔間仰矚。忽忽若有所見。近香爐峯里許。則白練劈天。空青遠翠。劃然爲

兩段。客疑焉。余雖知爲水簾洞。弗告也。入洞。山行路欹側。臨危崖。同人步弗短。目弗遊。又前得荒亭。坐觀瀑布。從千仞絕壁噴下。轟怒發。莫可名狀。久之目眩。若飛瀑從巨壑倒捲而上。以達于山巔者。又久之。則目中有瀑勢。耳中有瀑聲。乃凝神息慮。對之覺委委屬屬。殊有理致。徐謂客曰。請歸去。作十日思。（清彭士商水簾洞記）

壁高二十餘丈。石光滑。中泓廣二丈許。類球成。泉落泓中。如傾百斛珠。飛躍眩晃。簾本直垂。橫石塞其間。水因作一小折。如簾之有押。下仍直垂。入于潭。潭深不可測。投龍當在此潭。以下水忽不見。伏流亂石間。抵罅躍出。則益怒而吼。數出數沒。如白龍蜿蜒入雲中。時露鱗爪。（李元度水簾洞建雪浪亭記）

南嶽遊記

近人游記 見民國二十二年六月大公報

蒔竹

予兩遊南嶽。首次僅登祝融。二次乃至福嚴南台。而未始至水簾方廣。古來遊嶽者。言祝融之高。水簾之奇。方廣之幽。遍遊始可以窺全嶽。吾兩遊僅登祝融。一迫於時。一困於風雨。非願也。今春吾師蕭築雲老人就養省城。吾弟載章亦以省吾病來。偶言遊嶽。吾願爲嚮導。老人歡甚。約以五月三日往。至日。老人之長嗣鑑秋暨謝君楚仔。謝君葆真均偕行。

三日上午。乘車赴嶽市。風日暄麗。山川輝媚。午刻抵市。至嶽廟老南台寺。餐後。議所向。衆頗不欲亟登山。詢山下何地可遊。予謂可先遊水簾洞。寺僧善果自任先導。相將出市。東北繞祝聖寺。左循往湘潭舊路。經畦畛間數里。至楓木橋。志載朱晦庵張南軒遊南嶽。將往水簾。以雨

未果。趙醇叟餞之於楓木橋。當在此地。左折入楓木橋。隴寬而衍。可數千畝。吐霧峯當其前。紫蓋峯峙其後。形勢甚壯。楚仔頗知形家術。甚稱之。善果言朱姓有筮兆。會顯達。今式微矣。時日光下炙。頗不可耐。善果遙指深嗅。謂頃刻可至少焉。聞水聲潺然。知已不遠。渡朱陵橋。沿澗上涉。忽見巖影高懸山腰。晃晃如九天銀河。日光映發。眼爲眩淚。澗中亂石磊砢。激水雷鳴。路愈上。澗愈峻。水愈激。聲愈厲。簾愈明。澗自兩山間來。兩山皆石壁。蒼然兀立。無所蔭蔽。壁隙泉脈四溢。亂流壁上。如科頭新沐。面目皆濡。澗左右壁較平夷。低窪處亦著土。李次青闢爲徑。遇壁則鑿而成。磴逶迤上升。約數十丈。始至簾前。潘次耕遊記云。境幽宜靜對。恨旁無片瓦。不能久留。次青因於簾之左阜。構一小亭。類曰雪浪。今已半毀。不足蔽風雨。善果云。南嶽管理局擬即修治。或將廓而充之。水簾洞又名朱陵洞。道家稱爲朱陵太虛洞天。及洞真墟。福地。古者朱陵大帝之所居。潛確類書云。昔禹治水。常登而祭之。皆妄誕之辭。無可徵信。惟唐曾投告文於此。唐傳有金龍玉簡。投名山洞府。元宗遣內侍投金龍告文於此。見李次青雪浪亭記。朱張遊南嶽。聞水簾之勝。以未一往爲憾。由來之古。可以概見。簾廣二三丈。長數十丈。凡三折。聲殷然如萬雷奔。第二折落深潭。聞潭深不測。底所謂朱陵洞天。即在潭內。唐投告文。當亦在是潭口。亂石闕塞。水伏流石隙。下復成簾。簾底石色如銀。入眼眩晃。不知發於石。抑發於水。坐觀良久。神骨俱清。

簾畔古鏡甚多。左畔有「天下第一泉」。「水簾洞」。「不舍晝夜」。「何去何從」。「高山流水」。「有本者」。「俱壁窠大字」。「水簾洞」係宋淳熙金華潘時書。其餘款識漫滅不可

辦「天下第一泉」最近簾爲水衝刷。鮮明奪目。李次青於簾右絕壁上鐫「夏雪晴雷」四字。狀景頗肖。溪中有石。鐫「冲退醉石」四字。宋神宗時。成都章審屢徵不起。神宗賜號冲退處士。章避居衡山。常醉眠簾下。後人鐫其所眠之石爲冲退水簾洞之得名於世。以此。予以徑路爲山溜冲毀。未下視。頗快快也。左岸右壁。宗元人題。鐫凡數十家。明鐫尤不可數。然多刻落漉漫。可見者。雪浪亭旁有「鎮嶽飛天法輪」六大字。旁有小注百餘字。不能悉辨。款書「宋淳熙某年盧宜之誼伯書」。志載五大字爲宋紹興間張孝祥手筆。盧宜之殆追記其勒石之由。亭下數十步石壁。題鐫亦滿。中有「大宋淳熙己酉二月廿六日古汴万俟口來遊」雙行橫書。字頗秀勁。再下。李次青於溪旁巨石上鐫「醉眠觀瀑」四字。岸上石壁有「七十二峯主者彭簪九年來遊三度吁嗟乎一去將千百萬世嘉靖癸丑九月日題」十數字。按彭明嘉靖間官衡山知縣。曾修衡嶽志。南嶽題刻甚多。所謂七十二峯主者。自負固不凡云。古來詠水簾洞詩甚夥。張居正詩。誤疑瀛海翻瓊浪。莫擬銀河倒碧流。自是湘妃深隱處。水晶簾挂五雲頭。嚴嵩詩。此是朱陵第二遊。恍疑雲水闕仙邱。磴盤鳥道羅烟暝。潭隱龍宮雨氣浮。聞有高人眠醉石。擬將俗耳洗寒流。摩崖認識題名字。苔色蒼蒼萬古秋。在明詩中爲較可讀。清詩多佳者。不悉錄也。李次青會湖水源出紫蓋峯下。分三支注山澗。合匯入池。池溢爲簾。自矜創獲。謂以前遊者爲聞見所闕。自崖而返。不復究其源。直謂之未嘗遊。予以語築雲師。師曰。有此境。不可不窮其究竟。七十老人與致如此。吾輩躍然動矣。旁立二樵童。詢之。謂至峯下。尙有十餘里。路絕險不易至。善果亦尼之。衆以日晏。乃止。予與載章姑循樵路上陟。約半里。轉折至簾端。一

石橋跨之名龍峯橋下水勢猶峻亦有簾意橋以內一谷迢遞山田可數十畝中有村居幽奧殊甚似別一世界時日已匿山不再入返簾下倩葆真攝一影乃去至嶽廟已上燈矣

四日早起遊嶽廟內外嶽帝殿石柱七十二鑑秋細數知之殆準七十二峯卽是可見其宏廠柱花岡石詢知出自嶽山全嶽皆花岡巖石質較金字灣產者尤佳素以爲石灰岩誤矣廟右十寺僧綱司主之左十觀道紀司主之輪侍嶽帝香火清時僧綱道紀秩頗尊今尙有其名善果現任僧綱執事頗恭謹廟在朱明峯下脉中斷澗水通之上跨以橋名接龍明張元汗遊記謂元世祖常感異兆謂朱明峯有王氣命斷其脉爲深壑迨高皇帝龍興氏與國號竟符朱明之讖按志未載此說當視爲齊東野語從廟左越畦畛登一小邱上有會靈精舍明儒王敬所（名宗沐陽明弟子）講學之所其弟康某建舍祀之康世子孫世守其業近更新焉將往訪集賢書院不果餐後雇篋輿登山自嶽廟至祝融舊稱三十里近南嶽管理局新開馬路平坦而多曲折與人云羨至四十里未必多省脚力路自廟後接龍橋起緣華嚴峯左（朱明峯上爲華嚴峯）逶迤上陟不經雲梯諸險雲梯在峯右石磴數十級爲登嶽初景數百年來取道於此以後當荒蕪矣馬路下臨絡絲潭水水砰砢如奔雷險深淺歷歷可辨爲簾十數爲潭亦十數雖不如水簾洞亦可澄曠心目舊玉版橋已遺澗底上數十武新爲石橋以通馬路亦題玉版從送子殿折經香爐峯石麓迴仙橋伴雲菴一帶均遺去半山亭下路折如之字以上曲折更多長行其中真有一迴環見徒侶掩蔭隔林邱之妙鑑秋土木工程專家謂選路甚見匠心聞工程師爲醴陵陳君盛芳陳君故有名所造應如是也但遍山土石如剝新肌混

沌鑿開。天機盡洩。懷想往跡。不無耿耿耳。半山亭而上。爲鄴侯書院。爲鐵佛菴。爲丹竈寺。爲湘南寺。爲南天門。鄴侯書院石室一楹。非數年前物。十九年。曹伯聞廳長命衡山縣更爲之。曹孟其爲文紀其由。考南嶽鄴侯故蹟有數處。鄴侯在烟霞深處。遇懶殘。懶殘巖相傳在鐵佛庵右深壑中。編者按懶殘巖在南天門右煙竈峯下。詳名勝古蹟欄。清末衡山人度鄴侯端居室必在懶殘巖附近。而鐵佛菴下重巒迢遞。中開一境。形勢天然。謂非此不足以宅鄴侯。遂於此建鄴侯書院。明時福嚴寺有明道山房。謂係鄴侯讀書之所。今已廢。嶽廟附近舊有鄴侯故宅。或謂宋時在集賢峯下。後廢於其地。改建集賢書院。鄴侯久住衡山。遺跡自多。惟塵劫茫茫。廢興無定。僅憑臆斷。未足徵信耳。

丹霞。唐代古刹。開山祖唐鄭州丹霞山人南遊衡嶽。爲石頭禪師弟子。後人卽以丹霞名寺。又名七一遺址。相傳丹霞祖師旣成道。其友彭居士訪之。相見於地。畫一「七」字。師於其下。畫一「一」字。因曰「因七見一」。見七忘一。七一之名。仿此。湘南寺亦古刹。旁有貫道泉。與太陽虎跑諸泉並名。裂石而出。頗覺清冷。定林祖師題詩石壁。「身健端須飽此心。問山臨水極幽尋。待余書遍湘南寺。却向鍾山老定林。」苔蘚封去。遍覓未得。自南天門過獨覺門。路基隆起。無以前之塹。階亦不免陟降之苦。輿夫至此。力不能勝。勉強至獅子巖。適雲起。足下霏霏作雨。吾輩下輿。力奔至上封寺。雨甚。下幸未濡衣履。相顧笑曰。山靈幸不相厄。開雲霽。雪得來容非異事。寺僧寄綠明性相逆。昔遊宿上封。顏落拓。今煥然一新。被褥皆新製。溫軟特甚。聞去歲蔣介石遊南嶽。捐金二千。以一千造亭。一千予寺僧。始得有此盛具。吾輩今夜之酣然。

入夢。竟蒙蔣委員長之賜。異已。

五。日。早。起。雨。霽。待。築。雲。師。登。觀。日。台。觀。雲。海。天。風。衝。袂。寒。氣。侵。肌。師。着。狐。皮。袍。吾。輩。皆。着。棉。服。二。襲。猶。有。瑟。縮。之。意。雲。海。爲。南。嶽。盛。景。前。人。以。得。觀。爲。生。平。幸。事。吾。輩。亦。謂。不。虛。此。遊。矣。時。惟。祝。融。峯。巒。巖。巖。可。見。峯。以。下。悉。在。雲。中。一。氣。氤。氳。萬。里。浩。漫。吾。輩。共。託。孤。岑。如。乘。巨。艦。浮。泛。重。洋。杳。蕩。空。濛。不。知。其。際。少。焉。風。捲。雲。馳。如。巨。浪。排。空。海。飛。山。立。吾。輩。心。搖。目。眩。懼。其。衝。刷。以。去。又。少。焉。風。定。東。方。之。雲。攢。蹙。如。錦。城。舒。艷。揚。輝。疑。其。中。有。無。數。瓊。樓。玉。宇。棲。息。神。仙。眷。屬。殆。日。光。自。雲。隙。下。射。幻。成。此。景。也。又。少。焉。雲。氣。漸。低。微。露。青。點。四。週。離。列。如。海。航。中。發。現。無。數。小。島。環。以。瀛。海。水。漸。落。島。漸。壯。灣。港。岬。澳。皆。隱。約。可。辨。蓋。祝。融。以。下。諸。峯。皆。從。雲。中。出。矣。若。爲。天。柱。若。爲。華。蓋。若。爲。碧。蘿。若。爲。芙。蓉。若。爲。石。廬。皆。可。按。方。指。數。林。壑。昭。曠。巒。岫。明。靚。轉。瞬。又。是。一。境。界。觀。雲。海。已。轉。登。祝。融。峯。峯。頂。天。尺。菴。一。僧。守。之。儉。俗。無。所。知。惟。健。談。鬼。怪。菴。卑。小。石。牆。窳。瓦。風。勁。時。瓦。常。飛。去。牆。亦。飄。動。聞。南。嶽。管。理。局。擬。廓。而。新。之。菴。右。巨。石。磊。砢。爲。祝。融。絕。頂。鍊。識。幾。滿。明。人。遊。記。有。李。義。山。等。題。名。今。不。能。得。卽。宋。元。人。手。蹟。亦。多。漶。漫。惟。明。鍊。可。得。一。二。耳。坐。石。上。四。望。衆。峯。環。拱。如。羣。辟。四。裔。用。賓。如。王。相。傳。祝。融。去。地。九。千。七。百。三。十。丈。宋。晦。菴。詩。南。嶽。天。下。鎮。祝。融。最。高。峯。仰。觀。幾。千。仞。俯。入。一。萬。重。祝。融。素。以。高。稱。非。至。絕。頂。尙。不。能。知。也。下。祝。融。峯。右。折。經。不。語。巖。巖。在。一。巨。石。下。略。可。棲。止。夏。秋。香。客。盛。時。常。有。託。居。以。丐。取。香。火。貲。者。緣。磴。道。往。會。仙。橋。時。雲。氣。自。壑。底。上。騰。如。張。羽。葆。會。仙。峯。面。目。模。糊。如。在。數。里。以。外。雲。時。雲。漸。消。失。峯。漸。顯。豁。猶。自。遠。而。近。竟。僅。數。丈。內。外。亦。奇。觀。也。會。仙。橋。欄。杆。大。半。傾。圯。磴。石。亦。多。崩。塌。上。仰。絕。

下臨深壑。至幽極險。目眩神搖。衆皆慄慄注視。莫敢前趨。予前導。側足緣崖趾上。陟七十老人拄杖隨之。橋端有羅漢洞。深廣略如不語高寒。特甚不能久留。駐橋以上。尙有小徑。上延。因下臨無地。不敢往矣。會仙橋亦名仙人橋。卽道書所稱青玉壇。唐宋時已有名。爲嶽遊絕險處。以祝融之高。腰以會仙之險。始稱絕勝。會仙峯名。試心石又名定心石。在會仙橋側。石脈挺出。斬然中斷。相去三丈許。復突起而爲峯。如巨靈之頭。旁綴一瘤。中斷處橫掛一石。可厝足以度。香客多由此登峯焚香。謂爲焚龍頭香。吾輩頗怯。無敢嘗試。會仙路上題鐫亦多。「目詔心灰」。「老此不恨」等字。均盈尺。惟無款識。不知誰氏手筆。自不語巖左取道下降。巖下一巨石頗端整。俗呼釣魚台上。髣髴一橋字。前兩字莫辨。再降則俗呼牛背脊。亦至險。下爲後山。劉家坪。邵陽新化湘鄉安化一帶進香之路也。返遊觀音巖。巖在上封寺下半里許。巨石互相支拄。得不墜。狀奇險。巖在石下。因巖爲室。一老尼居之。供祀降龍尊者。巖內復有小巖。深丈許。曲而有容。亦剛壁爲神像。志載觀音巖與元明洞。巖內石壁鐫有元明洞三字。殆一地二名歟。巖左稍上有古高台寺。庫陋無足稱。明人遊記以爲卽觀音巖。今無所考。巖上舊有圓通閣。懸崖置屋。結構牢密。今惟崖石峭立。蓋廢久矣。短松數株。虬枝橫攬。古拙不可狀。鑑秋攝一影。得二三株。羅念菴所手植。枯朽已久。（編者按念庵松猶有生者。）今猶保存名賢手澤。得如石伯甘棠之勿剪勿伐。幸矣。流連松下。不欲卽去。天色忽慘變。雲氣上磨松頂。濛濛作雨。似山靈相妬。揮之使去。乃疾奔上封寺。

是日留上封寺。凡三登祝融峯。天忽晴。忽雨。雲時起時落。所觀不一致。或萬里晴空。衆峯羅

拜足下。湘江如陳曲鍊，森森可辨。或雲氣滄漭，吞吐林谷。頃刻宵冥，四合不辨方位。風雲變化，領略盡矣。寄緣和尙導觀，老女相視，鑿石爲之，長短相銜，不漏不斷。自寺左緣延上，陟隨岡澗，爲曲詰。至祝融峯，崖下一水泓然，名太陽泉。相傳唐時一老女登山，閱上封寺泉不足供澆灌，爲根引太陽泉以灌之。此女作大好事，志書乃不傳其姓氏，致不能與洗衲之惠海、煨芋之憫殘，並名南嶽，甚可惜也。寺後原有泉涓涓出林石間，平時可供僧廚之用。夏秋香客溷集，則需太陽泉矣。寄緣復引予與楚儒葆葆，真過太陽泉源。緣徑下降，至捨身巖下。巖在天尺菴後，垂壁數百丈，蒼然如削。猿獼所不能躡，飛鳥所不能跂。仰睇天尺菴，臨崖峭立，巍巍天半，不覺神悚。寄緣云：常有無知男女在此捨身。前歲湘潭楚姓二女，一已婚，一纔十六七，同登峯頂投崖而死。家人聞耗往視，卽厝諸崖下。崖下黃土一坏者是也。相與慨嘆，謂與自經溝瀆何異。愚真不可及也。聞陳君盛芳擬緣崖，層爲鐵闌，干亦慈悲之行。云薄暮寄緣又導予登祝融峯絕頂，觀落日薄雲麗天，日光下射，幻成種種顏色，可謂奇麗。日偶自雲眼出，殷紅如在冶之金。兩雲相切，中容一縫，日墜其中，竟成一長方，類玉盤璀璨奪目。寄緣踞石上，侈口大笑，謂生平所罕見。託諸洪福，幸見此不虛居此山矣。吾師亦渥然以爲大可滿意。晚促膝僧舍，商量詰朝觀日出。寄緣謂詰朝若無風雨，當再爲導日出，或由麗於日落色。寄緣曾爲南台方丈，知書畫，贈予山水一幀，頗不俗。山中清品也。

六日五時許，予與楚儒葆葆真載章等披衣起，徑趨望日台。天容尙墨，粗辨途徑。少時鑑秋侍，築雲師至。寄緣亦至。寄緣頰首凝視，謂今早必不得日。東方雲太重，非頃刻可得開也。風止不

流寒氣猶重。予與師均擁氈坐石上。衆或跂立。或徐步。凄然相對。如共處荒郊絕徼。志在觀日。不稍怯。候逾一小時。曉色大動。峯下溪吟溝澗。皆可見。日出處黑雲尙縹密。日光深闕。不能出。予等知已無望。廢然返。嶽頂觀日古來引爲難事。吾等一觀曉色。抑亦足矣。早餐後。辭寄綠明。性下峯。風止雲高。回顧祝融。如正襟危坐。延睇相送。上封則爲土阜所掩。不復見矣。過獅子巖。巖畔有泉。榜獅子巖三字。山上無處無泉。此無足稱。巖石巋然兀立。遠望如獅。上鐫天然太師四字。近視或如兔。以有一尖耳也。南天門附近。有飛來船講經堂。予十年前曾過之。今路改動。不復識所在。詢諸南天門僧衆。亦無知者。異已。與載章姑尋諸山脊。一經蜿蜒北去。遙望巨石蒼然。知卽非所期。亦必有異境。半里許。一巨石峙徑旁。上平如砥。似曾經磨。斲方若二三丈。上隱隱有字。審視乃「壽嶽」二字。大各數尺。宋徽宗書。舊志所盛稱。不圖無意中得之。石下有巖。上鐫皇帝巖。殆因徽宗書得名。巖洞頗深廣。南嶽諸巖洞。雞公巖外。似以此爲最。甞寒灰冷。猶存有竹器瓦缶數事。居巖者殆已他去。巖上稍北。石壁上鐫「活埋」二字。下鐫偈語數十。字多漶漫。不可識。右復有一聯。「願天常□□□願人常□□□」字頗奇古。當非近百年物。惜未見於嶽志。返南天門。言諸築雲師。師悔未往視。仍過湘南丹霞。至鐵佛庵。菴前歧路東南。分東卽馬路。來時所經。西則問道。取問道下。擬訪兜率菴。懶殘古蹟。兜率元明時極盛。常見於明人遊記。不知何時廢去。今夷爲民居。石上猶留有兜率寺三字。予曾過而見之。志載兜率寺附近。又有祝先寺。則不可考。懶殘巖爲懶殘和尚煨芋處。談南嶽典故。實者所稱。明黃周星云。過懶殘巖。庫濕不可坐。數武卽兜率菴。清金之俊云。兜率菴前有懶殘巖。唐天寶懶殘巖祖師古蹟。

卽鄴侯讀書處。修篁礙日。葉葉秋聲。則懶殘巖當在兜率附近。此處巖穴頗多。今已不能確指。舊時遊此山路崎嶇。極不可行。今從半山亭修一馬路。線延岡澗。經磨鏡台至三生塔。卽問道亦斬關。石較前平垣。吾輩行抵馬路。忽入雲中空濛。查謁咫尺不相見。頃刻非非。作雨舊傳南嶽有三天。或上晴。下雨。或上雨。下晴。信然。

沿壑而下。有雞公巖。一作己公巖。餘舒可容多人。羅漢皇帝諸巖不能及。南嶽僧人或居菴。或居巖。居巖異於居菴。不化緣。不居積。山耕以自食。懶殘煨芋。殆卽此類。乃僧家苦行。其人非絕欲忘嗜。堅忍艱苦。不能也。故南嶽居巖者。今祇十餘人。有河南和尚。名報崖。湯藥銘時爲某軍參謀。或云爲書記。不得志於世。廢然入山。居雞公巖附近十餘年。不下山。不與人。世往來問之。不應。不移目。木然如無知覺。予十年前遊山。已聞有稱河南和尚者。今聞道詣更高。修持更厲。僧俗均稱許。至究竟如何。闕不見知。弗能言說也。雞公巖右有古觀音寺。比丘尼居之地。甚幽蕩。予曾驚爲絕境。築雲師等以雨至。急欲往磨鏡台。故略不往。

磨鏡台爲禪宗傳法之地。懷讓七祖與馬祖故蹟。台後懷祖故塔。形宗稱爲丹鳳銜書。脈自擲鉢峯下來。地勢之雄壯。樹木之陰翳。言風水言風景者。均盛稱之。楚仔健言風水徘徊不忍去。少選入福巖寺。退閑方丈。妙義吾同鄉。相迎甚歡。聞此去方廣頗近。擬宿於此。午後雨未止。雲猶瀾漫。妙義導遊三生塔及南台寺。三生塔係南嶽開山祖思大禪師埋骨之處。妙義謂三生之說。乃思大禪師三世在南嶽。一二兩世未能開山。第三世始能之。知過去未來。納前兩世之骨於一壠。合現世爲三生也。南台寺遇了然和尚。自言曾居妙高峯南園。紅軍入長沙。曾習

險救活二人。今在南台居寮房。有辨才。深世法。蓋體陵今日之隱君子也。○俗名李韻筆。韻長公。長湘時爲小吏。導觀貝葉羅漢像。南台之羅漢像。與福巖之八十八祖像。均爲南嶽瓌寶。○六日早起。雲收雨霽。葆真以昨日磨鏡台遇雨。佳勝未留影。殊不快。約衆復至磨鏡台。遙望半山亭。以上馬路蜿蜒。山脊如臥長蛇。如陳巨練。紫蓋以次諸峯。含幽貯菴。岡巒巒。滄滄。半山亭至磨鏡台馬路。綿亘深壑。長約數里。其曲如環。其平如砥。通以石橋。三座。嶙嶙。爛爛。入眼生新。迴非昨日所見。葆真攝景。後築雲師與楚仔復登丹鳳銜書觀。擲鉢峯來脈。謂昨觀殊未審。幾屈丹鳳銜書矣。返福巖。觀白果樹。福巖白果樹最茂。門首三株。上凌霄漢。濃陰稠翠。寺右一株更巨。蒼然有古意。南嶽神話中有關於此樹者。頗雋。云祝融原爲嶽帝所居。思大禪師來嶽。請帝于一袈裟之地。帝許之不意。一袈裟竟全被峯頂。帝無地自容。請師所之。師礫石以投。曰。祝所止汝居也。石止朱明峯下。帝就遷焉。卽今嶽廟。廟旁一巨石。名嶽石。師所投也。祝融遂爲師有。○祝融天尺菴前祀嶽帝。後祀禪師。乃後人改定。○帝以師佛法無邊。稽首皈依。而福巖白果樹前已登仙。見帝且如此。卽亦受記爲弟子。說本妄誕。流俗尊所聞。遂神此樹矣。餐後擬往方廣。此地無篋輿。○編者按現在有輿可雇。○鑑秋慮築雲師不能任遠道。師曰。吾曾登龍山。○(在湘鄉邵陽界)遊鳳巖。○(在新化)自問日行數十里。無所苦。可毋慮也。妙義導吾等出寺。寺謂故道荒蕪不可行。近年趙君子感捐費開新路。雖不如南嶽管理局所修之坦蕩。亦可少紓腰脚。從寺右南迤山田錯落。林莽濛濛。初行殊有佳勝。登西嶺。觀東方雲海。雖不如祝融之壯麗。亦足使人流連。從西嶺折而南行。○(西下往湘鄉寶慶等處)橫度筆架芙蓉諸峯。岡

澗陟降。巒岫逶迤。造路者頗費機心。途中笋蕨怒生。至礙行路。野花四耀。香氣蓬勃。豔山紅有紫色。一種發異香。素所未見。長行二十餘里。無半椽之菴。無數尺之崖。偶休於農家。得飲香茗一甌。無異瓊漿。七十老人。奮足前奔。毫無餒色。長壽之徵。彌可喜也。

久之至蓮花峯。望峯下深林密篁。知爲方廣。載欣載奔。抵石澗潭。華蓋庵休焉。石澗潭屬方廣。蓮花峯下。橫起一小嶂。長一。二里。或謂如獅。或謂如龜。遍山森林。參天匝地。陰翳冥合。一澗緣山下。中邊皆石。高墜處爲潭。石澗潭之得名。以此。菴建峯嶂之間。幽奧無倫。肇自明季。志所未載。惟見於清人遊記。民國以來。爲兵燹所燬。僅存數椽。規制之宏壯。今猶可見。近寺僧醮費興建。木石闌塞。方廣惟此。可容食宿。卽寄頓如此。餐後出遊。緣在澗下山數百武。樹漸深。石漸壯。水漸急。而峻旋成爲簾。簾長二三丈。雖不如水簾洞。顧濃青曲陰幽靜絕俗。水簾洞不能及也。下山至方廣寺。寺居平隴。後負高峯。前臨幽溪。四面峯巒。匝前人謂寺坐蓮花峯下。如蓮心。旁圍八峯如蓮瓣。可謂極肖。寺爲梁惠海尊者所開。唐宋以來。稱極盛。朱張遊南嶽。首至於此。明賢遊記。稱許備至。王船山爲蓮峯志。更表暴之遊南嶽者。未至方廣。憾爲未曾遊。民國以來。亦燬於兵燹。今正謀恢復。規制闕大恐難復舊觀也。志載寺旁竹樹暢茂。故甚清幽。今盡夷爲田圃。頗嫌孤露。不及石澗潭矣。寺中宋徽宗書「天下名山」四字。猶存。惟半剝落。半被塵封。有保存古蹟之責者。亟宜易治之。寺右二賢祠。祀朱張兩先生。及同遊之林擇之。興建祠之。尹洞山。修蓮峯志之王而農。易實甫所撰聯。「湖五百歲而遙。問一脈薪傳。無有乎爾。無有乎爾。超七十二峯之上。指數里蓮瓣。意在斯與。意在斯與。」甚美某君所撰。「衡嶽雲高。想見雪


中雙竹杖。石潭風起。吹開天半萬蓮花。亦可誦。祠前嘉會堂已燬。今新建一楹。湛甘泉所書額未見。聞新建此楹。始有蒼頭守之。方廣寺亦僅居一僧。荒涼甚矣。出祠倩一童爲導。訪惠海尊者洗衲池。補衲台南去數百步。一石橋橫溪上。名雙獅。地頗幽奧。修巖四合。激湍清越。知必在此。果於橋右石壁上得石鐫無數。一曰「天幕蓮城」。一曰「懸響台」。一曰「嘯台」。嘯台懸響之間。一石端立如几。老藤古蘚。蒙封甚密。予偶以指刮蘚。得衣旁亟刮之。載章助折藤。終得「補衲台」三字。皆大歡喜。更於橋左叢莽中得一石。上鐫「洗衲」二字。大逾尺。洗衲池當又在是。旁有豐碑。隆穹丈許。字皆漫漶。居民謂係御碑。不可考。云從此南去。可至天台寺。觀拜經台。尋無縫塔。衆不欲往。遂不往返石澗潭。予與載章又至水簾下。披蓐坐石上。視水簾如白龍噴薄。矯矯於層崖斷石之上。久之寒氣發。自水面陰森動魄。乃舍之去。夜臥僧舍。泉聲入戶。神骨高寒。夢境亦佳勝。前人謂方廣聲光影三絕。於石澗澗得之矣。

七日離方廣取古方廣道返嶽市。方廣道風景舊稱極盛。譚元春云。方廣之妙。在路徑如海潮。石笋如舟楫。而又皆覆於空青曲陰之下。行二十餘里如一步。不獨在寺也。海潮舟楫之喻。殆指泉石歟。方廣至嶽寺三十里。無處非石。無處無泉。故泉石之盛爲南嶽第一。自石澗潭登方廣。均逾坳而北路漸降。循車子隴逶迤前進。山光映發。縈青交翠。隴中爲壑。壑皆石積。泉流石上。潏然有聲。間亦激搏如濺雪。聲光影三絕。一語至此。更覺其工巧。路益降。壑益深。泉石亦奇詭。石或橫而爲梁。或斷而爲崖。或離列而爲垠。或曲卷而爲岸。泉或垂而爲瀑。或潄而爲潭。或返激而爲湍。或迴旋而爲洑。水流石相搏。萬古不易。故成此至奇極詭之景。中經百折。樑

巨石廣數畝。中阻溪。溪流石上成瀨。下垂瀑。深墜成潭。境至幽險。流連間。山雨暴至。嗒然而去。少選。忽又晴朗。山靈如故相戲。可憾。可憾。離百折。梁約數里。溪喧。如雷。層崖間。飛瀑數折。礖礖如懸銀河。葆真歎呼。此真水簾洞。亟爲攝一影。瀑之洪。頗遜水簾。而瀑下有洞。較之水簾。爲明豁。南嶽之瀑。當以此爲第二。志所未載。名人亦未嘗題詠。致不爲遊嶽者所稱。道勝景之顯晦。亦有幸有不幸歟。道中古蹟。頗少。惟車子壩中。有一巨石。俯臨道旁。石中頗左右洞。明可望。相函如几。上鐫「湧几」二字。大及尺。甚秀勁。款識漫漶。志亦未載。編者按此二字。係王船山先生書。車子壩下有福勝寺。舊爲福昌寺。頗有名。今式微。農民僦居之。其地如輿。復形勢風景。都可爲方廣道中之勝。午後。至嶽市。仍至老南台寺旁。晚。善果導遊集賢書院。書院今廢。改建南嶽圖書館。將竣工。書篋盈積。猶未上架。遇籌備主任康君和聲。唐君世居南嶽。於南嶽故事古蹟。甚諳。謂以前嶽志。疏於考證。所載多神話耳。傳未足爲據。擬假以歲月。徵文攷獻。勒爲新編。以光南嶽。予亟贊之。他日重遊時。或不勞披蒙代翳。逐逐於殘碑遺址間矣。

以五日之力。窮祝融水簾方廣之勝。築雲曰。吾輩非韓昌黎。幸得開雲。古人所謂得見者。皆見之足矣。足矣。可以歸矣。遂歸長沙。歸後受命而爲記。

湖南省公路計劃圖



里程表

國道	公里			省道	公里			
	總長	已成	未成		總長	已成	未成	
幹線	京黔線	857	370	487	綏遠綫	459	459	
					昆衡綫	565	595	
					院安綫	241	231	
					湘長衡綫	81	81	
					常衡綫	676	676	
					附(1)永衡綫	70	70	
					附(2)永衡綫	121	121	
					新武綫	323	323	
					附(1)衡衡綫	40	40	
					附(2)武石綫	68	68	
綫	湘桂綫	451	123	328	武等綫	150	150	
					衡宜綫	434	434	
					湘涇水綫	87	87	
					茶邵綫	971	271	
					茶邵綫	481	481	
					附(1)桂衡綫	81	81	
					附(2)衡永綫	29	29	
					附衡綫	695	167	848
					衡宜綫	150	150	
					常衡綫	986	286	986
縣道	常西綫	478	40	438	附邵益綫	78	78	
					常衡綫	70	70	
					衡宜綫	62	62	
					衡宜綫	62	62	
					衡宜綫	62	62	
					衡宜綫	62	62	
					衡宜綫	62	62	
					衡宜綫	62	62	
					衡宜綫	62	62	
					衡宜綫	62	62	
合計	共長	2861		合計	共長	6308		
	已成	1297		合計	已成	157		
	未成	1564		合計	未成	6131		

比例尺



圖		例	
已成國道幹線	已成國道支線	已成省道幹線	已成省道支線
未成國道幹線	未成國道支線	未成省道幹線	未成省道支線
縣道	縣道	縣道	縣道
省界	省界	省界	省界
市界	市界	市界	市界
縣界	縣界	縣界	縣界

說明 表內公里係由縣程折合

湖南公路局各段通票客車開行時刻簡表

長寶通車

長東 開上十點二十分 到一點二十分
 寶西開 十二點零五分 到十二點零五分
 寶東到 四點四十分 開上七點
 寶西開 四點四十分 開上七點

滋澆通車（不必通票）

滋澆 開上七點十五分 到七點十五分
 寶西開 十二點零五分 到十二點零五分
 棉花埧 到一點三十分

長衡通車

長東 開上十點 到一點三十分
 下西開到 十二點三十分 到十二點三十分
 衡西到 三點二十分 開上八點十分

長榔通車

長東 開上八點 到六點零三分
 下西開到 十點三十分 到四點零三分
 衡東開到 十二點三十分 到十二點三十分
 榔縣 到 六點零三分 開上八點

下洪通車（不必通票）

下西 開上八點三十分 到三點二十分
 衡西到 十二點五十分 到十二點五十分
 洪橋 到 一點二十四分 開上十點二十六分

衡宜通車

衡東 開上八點三十分 到一點
 宜章 到 一點三十分 開上八點

長常通車

長西 開上十點三十分 到二點二十六分
 常德 到 十二點五十分 到十二點五十分
 益北開到 三點三十分 到三點三十分
 常德 到 三點五十二分 到三點五十二分

常德通車

常德 開下四點三十分 到七點五十六分
 白芷河到 五點三十分 到六點零五分
 桃源 到 五點四十三分 開上六點四十三分

攸攸通車

攸北 開下三點十五分 到九點十八分
 攸北 到 五點二十三分 開上七點十分

醴茶通車

醴陵 開上八點 到十二點三十六分
 攸南到 十點零六分 到十二點三十六分
 茶陵 到 十一點二十分 開上九點四十六分

長永通車（三次）

長東 開上六點三十分 到八點三十八分
 永東開 六點五十八分 到八點三十八分
 永安到 七點三十七分 到九點三十七分

永長通車（三次）

永安市開 上七點五十分 到九點五十分
 永東開 八點四十二分 到九點五十分
 永東到 八點五十七分 到九點五十分

長高通車（三次）

長東 開上六點十五分 到八點十分
 西開到 六點三十三分 到八點十八分
 羅東開 七點三十三分 到八點十八分
 高橋到 八點五十二分 到九點三十七分

高長通車（三次）

高橋 開上六點三十五分 到八點三十分
 西開到 六點五十八分 到八點三十分
 東開到 七點三十七分 到八點三十分
 東開到 八點三十七分 到九點三十分

常德通車

常德 開上十點二十分 到十二點二十分
 常德 到 十二點三十分 到十二點三十分
 常德 到 十二點三十分 到十二點三十分

攸攸通車

攸北 開上十點二十分 到十二點二十分
 攸北 到 十二點三十分 到十二點三十分
 攸北 到 十二點三十分 到十二點三十分

醴茶通車

醴陵 開上十點二十分 到十二點二十分
 攸南到 十二點三十分 到十二點三十分
 茶陵 到 十二點三十分 到十二點三十分

長永通車（三次）

長東 開上十點二十分 到十二點二十分
 永東開 十二點三十分 到十二點三十分
 永安到 十二點三十分 到十二點三十分

永長通車（三次）

永安市開 上十點二十分 到十二點二十分
 永東開 十二點三十分 到十二點三十分
 永東到 十二點三十分 到十二點三十分

長高通車（三次）

長東 開上十點二十分 到十二點二十分
 西開到 十二點三十分 到十二點三十分
 羅東開 十二點三十分 到十二點三十分
 高橋到 十二點三十分 到十二點三十分

高長通車（三次）

高橋 開上十點二十分 到十二點二十分
 西開到 十二點三十分 到十二點三十分
 東開到 十二點三十分 到十二點三十分
 東開到 十二點三十分 到十二點三十分

#6

402228

上海銀行長沙分行

地址：長沙紅牌樓 電話：三六九

辦理各種

存款 放款 貼現 匯兌 儲蓄 等業務
 利息優厚 手續簡便 發兌旅行支票
 如蒙 惠顧曷勝 歡迎

◀ 總行上海甯波路五十一號 ▶

中國旅行社長沙分社

地址：紅牌樓上海銀行內 電話：三六九

經售

火車票 輪船票 汽車票 飛機票
 代辦 出洋手續護照 計劃行程旅費
 預定座車艙位 如蒙 惠顧垂詢竭誠 歡迎

◀ 總社：上海四川路四百二十號 ▶